

LE III

II

BIBL. NAZ.
VITT. EMANUELE III


XXVII*


A

101

NAPOLI








115

1

23



XXVII*

a

101.

LU VIVU MORTU

Effettu di lu piccatu
di la Carni,

*Causatu da lu vann, e bruttu
amuri di li Donni causa prin-
cipali d' ogni dannu.*

STORIA MORALI

Cumposta da

D. ANTUNU

DAMIANU

CARINISI.

Pri divirtimentu, e prufittu di li
Giuvinnotti, ch' accumenzanu a
pratticari stu fallaci Munnu.

De
Antonio  *Malinconico*

IN PALERMU MDCCLXI.

Pri Stefanu Amatu.

Con licenza di li Superiuri.

**Si vendono da Emanuele
Ferrer y Soler, Librajo
in faccio del Col-
legio nuovo.**




A LU LETTURI.

E' Chiù chi veru chiddu, chi
dissi Alfonsu Re d' Ara-
gona, e di Sicilia, chi li
libra comu tesori sunnu prizi-
u, e pri ciò comu tesori si divi-
nu cunsirvari da cui li pussedi.
Tanti voti in un librettu, chi
ti pari cosa di nenti, cci truvi-
rai tesori immensi di virtù, chi
t' aprirannu l' intellettu a ca-
nusciri chidda verità, chi pri
lu passatu forsi nun ti facia im-
pressioni. Ntra li librasì trova
la Alchimia d' ogni scienza, pir-
chè nascennu l' omu ignuranti,
e quasi duru ferru suggesttu a la
ruggini di tanti vizii, si rendi
poi cu la lettura di li sulì librasì,
docili, persuasu, ed oru finissi-
mu, chi teni a lu marteddu di

tanti sensi, si metti a ragiuni,
 s' adorna di chiddi priuogativi
 necessari pri sapiri ben pratti-
 cari, e caminari chistu Munnu
 infami, e cunsiquisci poi lu fini
 d' acchianari a la Beatitudini
 eterna, centru di l' anima no-
 stra. E guai a la Natura si nun
 fussi pri li libra: certu ca si vi-
 dirianu l' animi privi di di-
 scursu, tutti cosi disordinati,
 nè si distinguiria, a modu di
 Bruti, lu beni, e lu mali. In-
 tantu nun ti dispiaccia, Lettu-
 ri, di vidiri a li stampi la pre-
 senti Sturietta in Sicilianu,
 pirchèaju pritisu giuvari prin-
 cipalmente a tutti generi di
 Giuvini, ch' appena si sannu fa-
 ri lu signu di la Cruci, appena
 annu fattu dundici anni, appena
 sannu leggiri, chi subitu pig-
 ghianu la via di l' acitu, s' in-
 namuranu, e diventanu la scu-
 ma di tutti li vizii, ed imper-
 fe-

fezioni. Cci discurre in termini proprii Siciliani pri di virtimentu, e pri rendirli chiù capaci a spavintarsi di praticari cu Donni, e cavarinni lu fruttu di campari casti, ed onesti. E si a qualchidunu cci dispiacissi lu discurriri contra di sta Sessu; iu ci pozzu francamenti diri, ch' avennu lettu a diversi Oratori Sacri, o Profani, in nissuna parti l' offervu uniti, si non in chista, di manifestari apertamenti li pessimi qualità di li Donni: a fini di stari ognunu vigilantì a nun c' incappari ntra l' ughna, ed aviri cognizioni di li danni, chi parturiscinu; pirchi ordinariamenti tutti li ruini, e precipizii di l' Omusunnu causati da li Donni, comu principiu, e fundamentu di tutti li mali: basta a cunsiderari, chi pri la Donna tutti muremu: A muliere factum est initium peccati, & per illam

morimur omnes. Eccl. c. 25.
 v. 33. *Conservati dunca beni
 stu librettu, fallu leggiri spis-
 su a li giuvini, apprusittati di
 quantu dicu, fuji la cunvirs-
 zioni di li Donni, pirsuaden-
 duti cu S. Bernardu: Habita-
 re cum Foemina, & non co-
 gnoscere Foeminam, plus est
 quàm mortuum ad vitam fu-
 scitare. 5. in Cant. Cumpatisci
 l' erruri di la stampa, comu ir-
 reparabili, e campa in paci.*





Giuvinotti, e cari Amici,
 Ben sapiti li nminici,
 Ch' avi l' omu quali funnu?
 Lu Dimoniu, Carni, e Munnu.
 E lu malu d' ogni mali
 (Di li genti, ch' hannu fali)
 Sentu diri stu nigoziu,
 Ch' è lu stari sempri in oziu.
 Ma la causa d' ogni dannu
 (Iu pri mia si nun m' ingannu)
 Dirria megghiu, ch' è la Donna,
 Nè la testa mia si sonna.
 Stu Munnazzu tuttu scogghi,
 St' arcipelagu d' imbrogghi
 Cui lu sapi caminari,
 Nè si fa privaricari,
 Ma si fa lu fattu so
 Quantu umanamenti po,
 Vidi tuttu, senti, e taci,
 Si manteni sempri 'n paci.
 La carnazza cu diuni,
 Disciplini, e timpuluni,
 Catinetti, e vastunati

Facilmenti la dumati.

Lu Dimoniù cu la Cruci

Sprisei allura, e ghietta luci,

E cu l'acqua biniditta

Lu faciti na minnitta.

Ma di Donna, si vuliti,

Mai guardari vi putiti,

Pirchè chisti tri cuntrarii,

Ch'avi l'omu pr' avvirsarii,

Ntra la Donna sunnu nchiusi,

Nè cci vonnu torci, ò busi,

E vi fazzu st' argumentu,

Ca nun sgarru, e mancu mentu.

Munnu picciulu è chiamata,

Pirch'è beni argonizzata,

Di lu grandi chiù valenti,

Ca fa peju tradimenti.

Lu sò offiziu è ntantari,

Ed Addamu po parrari,

S'idda è fera tentatrici,

Pirchè ad iddu primu sfici.

Nè vogghiu autru tistimoniù

Pri mustrari, ch'è un Dimoniù:

Chi fra carni la sapemu,

Lu tuccamu, la videmu;

Però carni, chi vi stuzzicca,

E la fini poi vi muzzica

Cu un scagghiuni tant' acutu,

Ca riparu un ci ha pututu.

Dun-

Dunca s' idda è Munnu nicu,
 E assimighia a lu nnimicu,
 Ed è carni avvilinata,
 Pirchè muzzica arraggiata,
 Lu Dimoniù, Carni, e Munnu
 Ntra la Donna nchiusi funnu.
 Comu mai suliddu l' omu
 (Mācu un Erculi, ò un Vādomu)
 Po, cū Donna cuntrafari,
 Mai di tri si po guardari.
 Tri nnimici tanti grandi,
 Ca sù uniti ntra na carni,
 Fannu, zertu, un forti forti,
 Cui cci neugna va a morti.
 Ultra chi sù na canagghia,
 Chiù di pinni, pila, e pagghia,
 Chiù di pampini, e di sfiddi,
 Chiù di rina, muschi, e griddi;
 Comu lodani, e furmiculi
 Fannu grossi cunvinticuli;
 Pri ti strati tuttu l' annu
 Sbardi, sbardi vennu, e vannu;
 Ntra li casi, e ntra palazzi
 Li truvati mazzi mazzi;
 Ntra finestri, e finistruni
 Li truvati a munsidduni;
 Ccà si po cunsidirari
 Quantu dannu ponnu fari
 St' armaluzzi furiosi,

Quantitati, e vilinusi,
 Sempri cc'è l' ocazioni
 Di li soi tintazioni,
 Ca unni jiti, ed abbitati,
 Ntra li pedi vi l' asciati.
 Menti Addamu sulu stetti
 A Diu gustu sempri detti.
 Ma com' appi ad Eva a latu
 D' idda allura fu livatu:
 Ci jittau la terra all' occhi,
 Ci cuntau tanti mpapocchi,
 Si lu misi a pirsuadiri,
 Tantu chi lu fici cadiri.
 Po chiù Donna d' un Diavulu,
 (Dicu veru pri San Paulu.)
 La ragiuni chiara pari,
 Nè si po contrariari.
 Lu Sirpenti tintaturi
 Sempri stetti cu timuri,
 Unni Addamu mai ci jiu,
 Si scantau, si cunfunniu,
 Ma aspittau la cugnuntura
 Di la Donna chiù sicura,
 Pirch' è focu, viscu, e pici,
 Fausa, furba, e ngannatrici:
 Comu' n fatti cei juvau,
 Pirch' allura la gabbau.
 Fu d' Addamu chiù pirsetta,
 Chiù ben fatta, pura, e netta,
 Fu

Fu chiù bedda, ed adurnata,
 Ca di carni fu furmata:
 Tanti doni appi di Diu,
 E poi tinta arrinisciu.
 Fu la prima, chi piccau,
 E a se stissa arruinau,
 Ca canciau cu vogghia ardita
 Pr' un vuccuni la sua vita.
 Nè cujeta, e saggia stetti,
 Giacchi l'omu puru sdetti;
 [E ntra tantu pri consensu
 Nui cci jamu pri lu mensu]
 E si beni si sarvau.
 Bona pena nni pagau,
 Ch'appi zerta minnulata
 Ntra li spaddi cu na spata,
 Ch'era tutta vivu focu,
 E cacciata di ddu loco
 (Paraddisu di delizii)
 Pri li pessimi soi vizii,
 Pirmittennu lu Signuri,
 Chi figghiaffi cu duluri,
 Ed all' omu stia suggetta,
 Sempri suddita, e curretta.
 (Ma benchi sù suttamisi)
 Sempri mali sù, l' aucisi.
 Pri sta Fimmina lu tuttu
 Fu guastatu, e fu curruttu.
 Nun ci fora cruda morti,

Nfirmità di tanti forti;
 Nun ci fora puvirtati,
 Nè mischini, nè malati;
 Nun ci foranu pizzenti,
 Nè sospiri, nè lamenti;
 L'armaluzzi graziosi
 Nun sarrianu vilinusi,
 Mansueti ubbidirianu,
 Ed all'omu sirvirianu;
 Nè cu tossicu tant' ervi,
 Chì n' attassanu ossa, e nervi.
 Li Pianeti giuvirianu,
 Mali ntlussi nun darrianu;
 L'elementi ancora grati
 Nun starrianu scuncirtati;
 Nun ci foranu timpesti,
 Tirrimoti, fami, e pesti;
 Nudda guerra cci sarria,
 Sempri 'n paci si starria;
 Tutti foranu cuntenti
 Senza dolu, senza stenti;
 Nun ci foranu farfanti,
 Nè infidili, nè incustanti;
 Nun ci foranu nnimiei,
 Tradituri, e traditrici,
 Piccàtrici, e piccaturi,
 Nè stu vanu, e vili Amuri;
 Nè lu Nfernu starria apertu,
 Starria chiusu, vi l'accertu.

Quan.

Quantu peni, quantu guai?

Durirannu sempri, mai.

Pri sta Donna gulutazza,
Ca fu allura porca, e pazza;
Vinni tanta purcaria,
Vinni tanta forti ria.

Tutti stamu ntra rancuri,
Stamu tutti ntra rimuri;
Tutti semu travagghiati,
Semu tutti turmintati;
Misi a tutti ntra un gurgiolu,
Ca macari Diu figghiolu
Nn' appi aviri la sua parti;
Già si leji 'n sagri carti,
Ca si Donna nun piccava
Nun scinnia, nè s'incarnava;
Nè patia tanti dolori,
Ca muriu pri nostru amuri
Misu mmenzu di dui latri;
Ch' accussi a l' Eterna Patri
La giust' ira ci placau,
Ed a tutti nni salvau;
Nni ristau però mircaru
Ntra lu sagru sò Custatu,
Ntra li manu, e santi Pedi,
Pri rigordu ad ogn' eredi
Di l' estremi soi tormenti,
Di l' estrema amuri ardenti:
Pri consola a li Biati,

Pri

Pri rinfacciu di l' Ingrati .

Quantu gravi consequenzi ,

Quantu grossi diffidenzi !

Quantu strascini ha purtatu

Stu scintinu so peccatu !

Ed appressu mi ha vinutu

Ha chiù peju arrinisciutu .

Quali scasei n' hannu fattu ,

Ca lu munnu pr' iddi è sfattu !

Quantu strepiti e ruini ?

Cci nni sunnu libra chini .

Cui distrussi ddu fort' omu ,

Chi Sansuni avia pri nomu ?

Dalidazza vili , e vana ,

Na Dunnazza russiana ,

Chi fintizza l' abbrazzava ,

L' allisciava , e carizzava ,

Lu strincia ntra lu so pettu ,

Ma cu fini , e fintu affettu

Di sapiri chiddu arcanu .

Di la forza , ch' avia 'n manu :

Tantu fici , e tant' uprau ,

Ca lu tuttu ci cavau .

Comu l' appi poi curcatu

Durmienti , spinziratu ,

Ntra li megghiu cuntintizzi .

Cci tagghiau li beddi trizzi ;

Di poi tuttu lu ligau ,

E lu detti , e cunsignau

A li

A li crudi Filistei
 Soi nnimici feri, e rei,
 Ch'a nicheja l'annurvaru,
 Ed ancora l'attaccaru,
 Pri chiù pena, e pri chiù triyulu,
 Comu un mulu ad un cintimulu.
 Fu lu miseru arrivatu,
 Ch'a un picciottu jia appujatu,
 Dumandandu caritati
 Pri li chiazzi, e pri li strati.
 Poi li tupperi ci crisceru,
 Nè li sciocchi cc'avvirteru;
 E la forza cci turnau,
 Ch'orvu e bonu nni scacciau
 Bona parti ntra lu tempiu;
 Dandu a tutti chistu esempiu,
 Acciò nuddu si fidassi,
 Nè lu ntrinsicu cuntassi.
 A li Fimmini cajordi,
 Traditrici, licchi, e lordi,
 Ca v'allettanu, v'intantanu,
 E li chiova poi vi chiantanu.
 Ch'un patiu Giuseppi Giustu
 Pri un vuliri dari gustu
 A la spusa di Putifar?
 Nun fu mpisu, sgarrau un ar.
 La viluna ch'avvampava
 Comu deda, ed arraggiava
 Di libidini, e d'amuri

Senza aviri chiù timuri
 Si lu chiama na matina
 Cu' na scusa frigulina,
 (La sfacciata senza affruntu
 Peju assai, chi nun vi cuntù)
 Si cc' offerisci tutta nuda
 Pri lu cancaru la ruda,
 Cu prumissa di dinari,
 E silenziu ossirvari.
 Ma lu castu garzuneddu,
 Ch'era giustu, e santareddu,
 Tuttu quantu arrussicau,
 E l'offerta arricusau,
 Di li manu cci fujù,
 E accussì la cunfunniù.
 Ma pirchè sfugari un potti
 Nè cu bonu, nè strammotti
 Li soi vili mancamenti,
 Misi manu a tradimenti.
 Cu n' astuzia la pirversa
 Fa n' accusa a la rivera;
 Si vistiu cu un fintu velu
 Di pudica, e santu zelu:
 Ci va a cunta a lu so spusu
 Ca Giuseppi prusuntusu
 Fu un adulteru, un indignu,
 Mansuetu, ma malignu,
 Ch'attrivitu la furzau,
 La strinciu, la viulan,

Mentrì stava in gabinettu
 Ripufata ntra lu lettu,
 E pr' autentica sincera,
 Ch' era stata cosa vera,
 Cu ardimentu mariolu
 Cc' ammustrau lu firriolu,
 Chi l' afflittu ci lassau
 Quannu allura ci scappau.
 La maligna tutta ngannu
 Sapia zertu, chi lu pannu
 N' avia vuca di parrari,
 E lu veru dichiarari.
 Lu maritu janni janni,
 Ca un sapia sti soi malanni,
 'N primu tempu tuttu critti,
 E tra carzari ben stritti
 Lu fa chiudiri ben forti,
 Pri poi daricci la morti.
 Lu mischinu mai parrau,
 Nè pri forti si scusau,
 Mancu forsi si piriu,
 Ma lassava fari a Diu,
 Ch' a li giusti sempri ajuta,
 E a li mali l' arrifuta;
 Pirchè già li vitti chiaru,
 Ca nnucenti lu truvau.

Un Odrisia Imperatrici
 Quantu mbrogghi, e straggi fici
 Pri ammazzari a Culumbina!

Na fantuzza accussì fina .
 Quantu fici di delitti!
 Pri memoria sù scritti .
 Na crudili, na riverfa ,
 Chi curria sfrinata, e persa .
 Pri na pazza gilusia ,
 Ch' accittata la tinia .
 Pri mustrari li soi vampi
 Cci nn'è un opera a li stampi,
 Ch'è cumposta di Mancusu
 Cu ddu stili armuniusu .

A lu poviru San Petru
 Cui lu fici stari 'n dietru?
 Na picciotta, na vavusa ,
 Na criata, na murvusa
 L' attirriu, l' allucinau,
 Quantu a Cristu già nigau.
 Nni chianciu na passa d' anni
 Cu dulari tantu granni,
 Tantu rottu, e tantu amaru,
 Quantu l' occhi cci siccaru.
 Quantu, e quantu virtuusi
 Ciriveddi luminusi
 Fannu perdiri ntra un gottu :
 Annigannuli di bottu
 Cu un gisili, o n' ucchiatura,
 Cu na sula sguardatura!
 E quant' omini sagaci,
 Quantu casi, chi cc'è paci,
 Sun-

Sunau misi a coddu futta
 Di na Donna impura, e brutta!
 Chi nun fici na Cleopatra
 N' attrivita, na idulatra,
 Pr' arrassari a Marcu Antoniu
 Di lu giustu matrimoniu
 Già ca Uttavia la spusa!
 Pri gaudiri 'mpiriusa
 Cu franchizza, e chiù largura
 Ntra lu Sogghiu da Signura?
 D'una tinta serva, ch'era,
 Si fa arbitra primera
 Di chist' Erculi latinu,
 Di st' Eroi di virtù chinu,
 Di la fama ossequiatu,
 Di tutt' Asia trimatu:
 Un puliticu s'è raru,
 Chi in guvernu un ci fu parus;
 Ci fa perdiri, e lassari
 Li soi avanzi in guirriggiari;
 Ci fa perdiri l'armati,
 Tutti cosi arruinati,
 Tantu poi lu imputruniu,
 Chi lu Scetru ni pirdiu;
 Lu ridussi a tali signu,
 Tantu misiru, ed indignu,
 Ca vidennusi a ddu statu
 Vulia essiri ammazzatu;
 Ma stu commodu un truvau,
 E id-

E iddu stissu si svintrau.
 Cui distrussu l' Inghilterra,
 Chidda bedda, e santa terra!
 Regnu d' Angili era dittu,
 Regnu bonu, e binidittu,
 Pri li Santi, chi facia,
 Terra santa si dicia.
 Ora è Regnu di dannati,
 Chi chiù setti ci truvati:
 Tantu dannu, tanta pena!
 Tuttu fu pr' Anna Bolena.
 Pri sta Donna sulamenti
 Sù a l' infernu tanti genti,
 E nni vannu a la jurnata
 Pri sta Donna arriprubata.
 Chista Donna di palazzu
 Fu ad Erricu Ottav' un lazzu,
 Ca li sensi ci ligau,
 E lu ndussi, e strascinau
 Pri li corna comu un tauru
 A sputari lu Camauru.
 Era prima stu Signuri
 Lu chiù forti difinsuri
 Di la Cresia Catolica,
 E Rumana, ed Apostolica;
 Poi l' Apostata chiù vili,
 Lu chiù perfidu, e crudili,
 Lu chiù nfidu, ed ostinatu,
 Lu chiù cani arrinigatu,
 Chi

Chi cavassi l'Erefia
 D'una sporca frinisia.
 Era primu propugnaculu
 Di la mitra, e di lu baculu;
 Poi li primi, chi disterra
 D'ogni statu, e d'ogni terra,
 Su li Viscuvi, e Prilati,
 Sacerdoti, e Rigulati;
 E sdirrupa tanti varii
 Suntuusi Santuarii.
 Di l'adorni, e li lamperi,
 Di li vasi, e l'incinzeri
 Cu furtiva mpertinenza
 Si nn' accrisci la cridenza,
 Trasformati in usu vanu
 In prattigghi d'acqua a manu.
 Fici poi decapitari,
 Fici aucidiri, e squartari
 A tanti omini scienti
 Pri mpugnari giustamenti
 Tantu cumulu d'errori
 Contra Diu nostru Signuri.
 Pri nguaggiarisi a chist'Anna
 Tutti cosi abissa, e smanna,
 Pirchi st'errama cajorda
 L'affriggia cu dura corda.
 Chi nun chiu lu cuntintava
 S'un vidia chi lu spusava:
 Ch'avia vistu, e ben xiauratu,
 Ch'

Ch'era già appassionatu.
 Fu a la fini tanta acuta,
 Ca di tutti fu ubbiduta
 E lu misiru scuntenti.
 La cuntenta, e fa cuntenti.
 Pri nun daricci disgustu
 Arripudia cu gustu
 La ligitima cunforti,
 A la cui fu data morti
 Cu vileni tirminati
 Pri gaudiri ripusati
 Senza nuddu detrimentu
 Stu sagrilegu cuntentu.
 Fu di prima stu Regnanti
 Lu Munarca chiù zilanti,
 Chi s' opposi, ma sinceru,
 A li libra di Luteru,
 E a li scritti di Calvinu;
 Poi l' Ereticu chiù finu,
 Chi lu Munpu vummicassi,
 Chi la terra nutricassi.
 Si pers' iddu, e lu so Regnu,
 Pri na Donna tantu mpegnu?
 Chi disordini, ch' accidenti,
 Chi funesti avvenimenti
 Parturisci na mancata,
 Una mala accustumata?
 Quantu pò stu vanu amuri,
 Nun fa sentiri timuri,
 Nè

Nè rimorsi di coscienza,
 Senza nudda pruvidenzia!
 Quantu pò na Fimminazza!
 Quantu fa sta mala razza!
 Cu natura sempri varia
 Metti a tanti a gammi all'aria.
 Riduciu a Minandru un isca
 Sula, sula na Curisca.
 Guastau puru, e misi in trippu
 Una Laidi ad Aristippu,
 Un filosofu di sfera,
 Ch'a ddu tempu vivu cc'era:
 Fici ancora tirribilia
 Contra Cesari Sirvilia,
 E a Niruni na Poppea.
 Lassu poi na Rodopea,
 Ca lu nomu so m'accora.
 Nun vi cuntà d'una Flora,
 Nè di Circi tanti nganni,
 Nè di Celii, e Marianni,
 Ch'annu affattu sbrigugnatu,
 Stifu 'n terra, ed annigatu
 A tant' omini accimati,
 Ed a testi curunati.
 Fama, onuri, robba, creditu.
 Arma, corpu, vita, e meritu.
 Nun cc'è Stati, nè Republici,
 Chi ntra chiazzi, e lochi publici
 Nun esclamanu, e suspiranu,
 Chi

Chi nun replicanu , e gridanu
 Li caduti, e li ruini
 Pri li Donni malandrini.

Una Fulvia , e Sempronia
 Tutti dui di vita erronia,
 Foru sì di sangu nobili,
 Però d'opri tanti ignobili,
 Ch' arrivaru ad introduciri,
 A tirari , ed a sudduciri
 Cu adulterii , e cu nganni
 Ntra la patria li tiranni.

Un' Aspasia mbrugghiuna ,
 Chi privarica , e mbuttuna
 A Re Pericli prudenti
 Cu smudesti allittamenti,
 E prutesti finti savii
 Pr' attaccari guerra a Samii:
 Tantu fici di disinni,
 Ch' a la fini tuttu ottinni,
 E nni vinniru ruini,
 Sangu , e focu senza fini.

Un Demetriu frenetica
 Cu mustrarì pena retica
 Pri la morta amica Laina;
 Nè si cura di l' infamia,
 Pirchè viva lu strunau,
 E li sensi ce' offuscau.

Ciprianu d' una Frini
 E' riduttu a malu spi,

Cu na granni mpirtinenza
 L' artassau d' ogni scienza,
 E d' ogn' utili cumuni,
 Cu ghittari ad un cantuni
 Chiddi scritti cussi vivi,
 Chi lu munnu ancora scrivi,
 E ridussi a un virtuusu
 Cu la rocca, e cu lu fusu.
 Messalina fu a Tiberiu,
 E Faustina a Marc' Aureliu
 Dui nigghiazzi tanti duri,
 Dui lunazzi tanti scuri,
 Ch' a sti Suli l' ecclissaru,
 E ogni pregiu c' offuscaru
 A Lucreziu pueta

Ci fu pessima cumera
 Na Dunnazza, chi sfruntata
 Lu va assauta a la 'mpinfata:
 E ammutisci un grand' Auturi
 Lu chiù nobili canturi,
 Lu chiù pregiu, e lu chiù spassu
 Di lu munti di Parnassu:
 Ci fa metteri di parti
 L' armonia di li soi carti,
 Cci fa rumpiri la lira,
 E lu passa ntra na sira
 Da li grati miludii
 A li ngrati purcarii.
 Comu poi si sciapiccian,

Lu tradiu, e lu ntassicau.
 Nè Aristotili appi pettu,
 Lu chiu lucidu intillettu,
 Chì s' a vistu supra terra,
 Di risistiri a sta guerra,
 E canusciri lu comu
 La Dunnazza sturdi all' omu;
 Giacchi un Ermia l' abbatti,
 E lu rendi a li soi patti,
 Giacchi cancia pr' un tilaru
 Libra, pinna, e calamaru.
 Na Rigina Elisabetta,
 Chi lassau Birtagna infetta
 Di stufi, e lordi esempii,
 D' azioni, e fatti scempii,
 Ch' allurdau curuna, e manta,
 Comu fama scrivi, e canta:
 Di sta Donna la natura
 Cussi data a la sciagura
 Nun si leji la paraggia.
 Avia tanta fera raggia
 A sfugari li soi fomiti
 Cussi brutti, cussì 'ndomiti,
 Ch' ardia peju d' una furia
 Tutta focu di lussuria,
 Ca mbistia cu tutti genti,
 Cu straneri, e cu parenti,
 E cu nobili, e cu gnobili,
 Ma cu amuri tantu mobili,
 Tan-

Tantu' indignu , e tant' orribili
 Ca vi pari, ch'è incredibili
 Comu chista si sfugava,
 Ca lu senzu saziava
 Cu tirannicu vurdeddu,
 Nni facia cruda maceddu:
 Doppu tanti amati vezzi
 Li facia tagghiari a pezzi,
 E abbrucciari a luminaria
 Poi la cruda lupanaria
 Tutti dd'ossa calcinati
 Vulia misi, e situati
 Cu disignu, ed urdinanza
 Ntra la sua sigreta stanza
 Cu lu nnomu, e lu cugnomu
 E la patria di dd'omu;
 Cumpunenduci un scartafu,
 Un puliticu Epitafu,
 Tuttu fintu, ed adattatu
 A materia di statu,
 Ch'alludia lu giuttu sdegna
 A Ribelli di lu Regnu;
 E gaudia su Zimmiteriu,
 Stu crudili vituperiu
 Di li sporchi soi deliquii
 Comu pezzi di reliquii.
 Chi capricci! ch'appetenza
 Di sta sua cuncupiscenza!
 Chi crudili oscenità!

Spavintari affai mi fa!

Di qual' omu mai s' ha vista

Cori crudu comu chistu!

Mancu 'n Tunisi, ò 'n Barbaria,

Nè tra tutta la Muria,

Nè ntra Turchi, nè tra Citti

Ci su stati sti dillitti;

Nè tiranni s' annu lettu

Cu stu duru, e agratu pettu,

Ci vurrianu simanati,

Misi, feculi, ed annati

Pri citari li misterii,

E l' enormi vituperii,

Cu li strutti, straggi, e strazzi,

Ch' annu fattu li Dunnazzi.

Pr' una Eudisia s' dignata

Menza Roma fu bruciata,

E a lu restu cu gran smacco

Ci fu datu un forti saccu;

Lu maritu lapidatu,

Pezzi pezzi poi tagghiatu,

Tutta Italia a rimuri,

Ntra vinditti, e ntra livuri,

Una guerra tali accisi,

Ca l' Europa a solu misi;

Benchì poi pruvau st' affannu,

Ca Censericu tirannu,

Cu cui idda congiuranu,

Di lu sogghiu la livanu,

Ed

Ed all' Africa pri gloria
 La purtau cu gran vittoria
 Prigionera 'ncatinata,
 E dda morfi dispirata.

Una Eimmina gauranti
 E' tant' abili, e bastanti,
 Ca pri fari na vinditta.
 Nun si cura jiri affritta.
 Pri sfugari li soi fdegni
 Metti focu a centu Regni,
 Li cunturba, e li cunfunni,
 Vi fdirrupa middi munni.
 Guasta gusti, e guasta guasti,
 Guasta Arepiti, e cuntrasti,
 Duna a tutti mbastu, e liti,
 Comu appressu vidiriti.
 Tuttu Stronguli, e Vulcanu.
 E' avi'n cori, e teni a manu:
 Tuttu Summa, e Muncibeddu
 Su d'un focu friscu, e beddu
 Comparatu a chistu arduri
 Di lu so lascivu amuri.

Un Amuri schifiusu,
 Vanu, vili, e vilinusi:
 La sua vista fa muriri,
 Comu un lampu fa 'asicchiri.
 Un Amuri, ch'arruina,
 N'aucidduzzu di rapina,
 Chi li sciali, e li soi gusti.

Su ntra straggi, e ntra dif gusti,
 E si nutri, pasci, e civa
 Di duluri, e carni viva.
 Un Amuri senz'amuri,
 Minfugnari, e turciturì,
 Senza garbu, e senza versu.
 Talchè l'omu sempri e persu.
 Nun canusci drittu, e tortu,
 Nè s'è vivu, nè s'è mortu.
 Cu st' Amuri la Dunnazza
 Mbrogghia a tutti, ed alligazza,
 E cu tutti immesi, e truzza,
 E cu tutti alliga, e alluzza;
 Nè ligamè c'è chiù duri
 Comu chisti di st' amuri.
 N'ha giuvatu sapienza,
 Nè putiri, nè putenza,
 Nè trincerì, nè fascini,
 Nè furtizzi, nè furtini,
 Nè pistoli, nè cannoni,
 Mancu grossi battagghiuri,
 Li Ncignerì tra stu passu
 C' hannu persu lu cumpassu:
 Li Geometri di funnu
 Hannu persu a Mappamunnu.
 E l' Astrologi chiù veri
 C' hannu persu già il sferi.
 Lu Filosofu nun cura
 Chiù a l' arcani di natura.

L' Ora.

• L' Oraturi si va a casa,
 Nun ci scappa chiù na frasa:
 • Lu Pueta chiù alluccutu
 Nun chiù sona lu liutu:
 Lu Medicu s' allucina,
 Nun fa chiù di Midicina,
 Nè chiù leggi ad Etmulleru.
 Lu Chirurgu puru e veru,
 Ca nun sa chiù midicari,
 Nè li balsami applicari,
 Nè truvare chiù lu stucciu.
 Lu Nutaru nun l' ammucciu,
 Pirchè ancora sta distrattu,
 Chi n'estratta chiù na cuntrattu
 L' Avvucatu, ca ntra un nenti
 Perdi tutti li Clienti,
 Nun alliga chiù litiggi.
 Ca si scorda di la liggi.
 Cussì è lu Curiali
 S' è ligatu di stu mali.
 Lu Casceri è in circustanza,
 Chi fallisci, e si va a canza.
 L' Architettu ntra stu mpignu
 Nun mania chiù disignu;
 Nè pinseddi lu Pitturi,
 Nè scarpeddi lu Sculturi.
 L' Artiggianu s' affurtura,
 Nputrunisci, e nun lavura,
 E addiventa trunzu, e troffa,

Ca non sapi unn'è la coffa :
 Lu Burgisi s' accuccagna,
 Nun cultiva chiù campagna,
 Lu Soldatu valurusu
 Si fa timidu, e scantusu,
 Metti l'armi soi'n darreru,
 E si ntana a lu quarteri
 Tantu pò st' amuri stranu
 Di la Donna, quann'è vanu;
 Cu un suspiru ch'idda jetta.
 Menzu munnu si suggetta;
 Nè c'è Dotti, nè Dutturi,
 Ca risistinu a st' Amuri;
 Mancu Principi putenti,
 Ch' un ci passanu gran stenti?
 Nè Idiotti, nè Privati,
 Ch' unni fannu cunsumati.
 E' un Arpia di cirimonii,
 Chi cunsuma Patrimonii:
 A cui è riccu lu sballisci,
 Prestu, prestu lu sbanchisci:
 A cui è beddu, ed ha danari
 Cazzicatummuli ci fa fari:
 A cui vidi appassinnatu
 Di lu ntuttu è arruinatu:
 S' è scarciuni un si nni cura,
 Lu fa fari na cuddura:
 Si farrà malu criatu,
 O l'agghimma, o nn'è cacciatu:
 E cui

E cui proprii pocu pani,
 Si c'è oj, un c'è dumani.
 S'è amurusu veramenti
 Si lu pinna sulamenti.
 S'iddu sà lu cuntutu sò
 Iri avanti nun ci pò,
 Nu lu sduna, nu lu sfà,
 Ma quagghiaru ci lu fà.
 Ogn' unu avi chi cuntari,
 Nè si può nund' ammucciari,
 Pirch' ogn' unu l' ha pruvatu
 Schettu, viduu, o maritatu,
 Nun ci sunnu gran Signuri,
 Mancu Rè, nè Imperaturi,
 Chi nun domina, e cumanna,
 Chi n' affliggi, affuca, e affanna:
 Nè c' è forza, chi nun cedi,
 Gninucchiata a li soi pedi.
 Ma nu staja no a la gnuni,
 Nescia 'n chiazza Salamuni,
 Lu chiù saviu, putenti,
 Lu chiù dottu ntra li genti,
 Lu stupuri, lu miraculu,
 L' interpetri, e l' oraculu.
 Di la sagra, chiara, e oscura
 Divinissima Scrittura,
 Chi Divinu fu chiamatu,
 Chi lu simili un c' ha statu.
 Nè a stu Munnu ci sarà,

Pirchè Diu nu lu farrà:
 E videmu chi nni dici,
 Zoccu scrissi, e 'zoccu' fici?
 Ma iu sentu stu rifeddu,
 Chi la fici d'un canceleddu!
 Giacchè misu a grancicuni
 Peju assai d'un picaruni,
 'N coddu, e 'n brazza li purtava,
 E ogni gustu ci passava,
 Nè ci potti cuntrastari,
 Nè li potti mai dumari.
 Chi virgogna! un gran Signuri
 Suggittaru a st'amuri!
 Ed in modu s'avanzau,
 Ch' a la finì idulatrau.
 Quali cosa ci mancava?
 Quali cosa addisiava?
 Avia già tricentu spusi
 Tutti beddi, e graziosi,
 Tutti a so cumannamentu,
 Putia stari ben cuntentu.
 Vosi poi pri cuncubini
 Setticentu Signurini
 Di diversi nazioni,
 Pri capricciu, e sfazioni,
 Pr' un sguazzettu sulamenti,
 Pri pospastu, e nettadenti.
 Chisti poi l'angariaru,
 L'abbaberu, e scuitaru,

E ci misiru la sedda,
 Lu tistali, e la vardedda:
 Lu tiraru a tali bruttu,
 Ch' accicatu di lu ntuttu
 Abjurau cu tuttu amuri
 A l'eternu Criaturi:
 E lu ficiru arrinari
 Comu un brutu ad adurari
 Cu sacrilegu dilittu
 A li fausi Dei d' Egiptu:
 E ddu Tempiu cusi raru,
 Ch' a lu munnu un ci fu paru,
 (Lu qual' ora è sfattu affattu)
 Ch' iddu stissu già avia fattu,
 Cunsagrato, datu a Dia,
 Profanatu ci sirviu
 Pri cummettiri ogni mali,
 E aduraricci l' armali,
 Li qual' Iduli furmau
 Di li vasi, chi squagghiau.
 Nè pri chistu sulu stetti,
 Ma lu ncensu chiù ci detti,
 Pr' un dispraciri a na Fimmina,
 Ch' è chiù tinta d' una Rinnina,
 Na cucuzza maccagnuna,
 N' Anarrazza cufurana,
 Una viva Marmuttina,
 Fitusazza, na sintina,
 Na signazza scannalusa,

Na

Na Crapazza virminusa,
 Una Cernia stenti
 Tutta vucca, gargi, e denti
 Una Picara d'impacci,
 Tutta cuda, cozzu, e facci;
 Na catugghia, na cajorda,
 Na Giurana d'acqua lorda.
 Chi sirviu lu fo sapiri,
 La prudenza, e lu putiri!
 Chi sirviu la sua virtù,
 Chi di Donna vintu fù?
 Pri la granni sua duttrina,
 Chi per opira Divina
 L'Univerfu l'adurava,
 Cu tributì l'onurava,
 Re, Riggini, e tutti genti
 Pri cunfighi, e documenti
 A soi piedi tutti jianu
 Pri la fama, chi sintianu,
 Sudisfatti ni ristavanu,
 E cuntenti riturnavanu.
 D'ogni cosa scola detti,
 Però pr' iddu nun jiu un etti;
 Di lu tuttu, tuttu scrissi,
 Ma di Donni nenti dissi,
 O pirchè troppu l'amau,
 O pirchè si nni scantau;
 O nun vitti zoccu sunnu,
 Pirchè sunnu un mari sunnu.
 Di

Di lurduri, e tradimenti,
 E pri chistu un dissi nenti.
 Dissi fulu brevi, brevi,
 Chi la donna fa la frevi,
 Leggiu, leggiu appighia, ed ardi,
 E ch' ogn' unu si nni guardi,
 Ch' è un armali multu occultu,
 Chi fa all' omu chistu nsultu:
 Vivu mortu, o vivu mattu
 Cu lu visu, gustu, e tattù.
 Cunfissannu poi a la morti
 Cu sospiri, e guai forti,
 Ch' ogni cosa è vanità,
 Vanità di vanità.

Oh s' ogn' unu sti paroli
 Li tinissi sempri 'n cori!
 Fori, fori un picchiria,
 Nè li Donni stimiria:
 Ripitennu, ch' a sta Munnu
 Tutti cosi vani sunnu:
 Cuntimplandu in chistu Re
 Ghiddu ch' era, e chiddu ch' è;
 Re di tanta cuntintizza,
 Ora è purvuli, e munnizza.
 Quanti gusti si passau!
 Cemu l' autri poi scattau,
 Nè si sapi lu so statu:
 S' iddu è salvu, o s' è dannatu;
 Ben pò essiri si dici

Pri chidd' attu, ch' iddu fici,
 Ch' a la fini si ravvitti,
 (Ma li cosi vannu stritti)
 E chi Diu cu lu so amuri
 Ci cuncessi gran duluri
 Di li gravi soi peccati,
 Pirch' è tuttu caritati:
 Comu ancora pri rispettu
 Di David di so diletto,
 L'avrà già pirdunatu,
 E chi fusti a bonu statu.
 Chi miseria di st' omu!
 Chi lassau su malu nnomu,
 Chi jittatu 'n terra stedi
 Comu un fessu a quattru pedi!
 E ch' a tanta Mailla
 Ci fu dittu: stè, stè dda!
 Si però pigghiava un lignu,
 E ci dava ntra lu scrignu,
 Quantu noliti circavanu,
 Ch' a lu drittu un caminavanu,
 E nun jianu nenti a versu,
 N' aviria la fama persu.
 Unni jiu la sua putenza,
 Chi non fici resistenza
 Cu li Donni, ca su muschi?
 Benchè in pratica su fufchi,
 Sempri funnu moddi, e maschi,
 Lufchi, lqechi, lenti, e laschi,
 Su-

Supra cca 'mpazziscu, e sparru,
 Ma sù pazzu, e giustu parru,
 Sti Dunnazzi, bech'un fannu,
 Quantu vonnu, tantu fannu.
 Chi ci vegna gutta, e gucciola
 Ccà la lingua mia si sdrucciola,
 Ad un' omu l'allucchiscinu,
 Comu prestu l'ammutiscinu.
 Ntra li robbi si lu mancianu,
 Lu straformanu, e stracancianu,
 E l'annegghianu, e l'accuccianu,
 Sanu, sanu si l'ammuccianu,
 Si lu voranu, e lu sbotanu,
 Dintra fora si lu votanu:
 L'annorvanu, l'anneganu,
 L'annacanu, lu preganu,
 Manzi, manzi si lu ngattanu,
 La cuncenzia ci mbrattanu:
 Lu ncatinanu, e mpasturanu,
 Sempri dintra si lu muranu.
 Lu mpirtusanu, lu ntananu,
 D'ogni beni l'allustananu:
 Lu tradiscinu, lu vinninu,
 Comu l'omu fussi un lioniu.
 Si l'aggarranu, lu scorcianu,
 Menzu vivu per l'abboccianu,
 L'asciloccianu, e l'asciucanu,
 Comu un ovu si lu fucanu.
 Elu fannu na cirimula,

Nè ci lassanu na spingula.
 Si lu nfascianu, e lu sfascianu,
 Lu ncatafscianu, e scatafscianu.
 Lu pizzianu, e l'attunnuanu,
 Comu un traisa si lu munnuanu:
 Comu tuttu si lu mancianu,
 Pr' unu, tintu poi lu cancieru.
 Middi scusi, c'arritrovanu,
 Sempru mutanu, e arrinovanu,
 Li soimbrogghi sannu copriri.
 Nè niscianu li sà scopriri,
 Mancu fussi un dottu Astrologu,
 Sia Filofosu, ò Tiologu.
 La natura ci la mutanu,
 C'argumentanu, e cunfutanu.
 Li durini ci li scordanu,
 A sua vogghia si l'accordanu;
 Di li studii l'arrassanu,
 L'ammaduecanu, l'attassanu.
 Di lu cori a Diu ci levanu,
 A so modu si l'addevanu;
 Lu mpetrannu, lu iaduranu,
 Si si perdi un si nni curanu.
 Si diventa ruttu, e reticu,
 Si lu fannu fari ereticu.
 Fannu fuiri 'n Ginevria
 Pri la vita larga, e grevia,
 A cui vidinu lu ncantanu.
 E di chistu si nu'avantanu.

Chi lu liganu , e l'ammaganu ,
 Poi lu nchiovanu, elu nchiaganu
 Middi mali c'ammunseddanu,
 Chi lu spilanu, e lu speddanu;
 Centu vizii ci 'nsgnanu ,
 Chi lu mpestanu, elu ntiguanu;
 E si parra lu rampognanu ,
 E chiù peju lu sbrigognanu .
 In sustanza l'arriventanu ,
 Novi cosi sempr' mmentanu ;
 Lu scujetanu, lu sbrigghianu ,
 Li soi gusti si nai pigghianu ;
 Comu un Surci l'assicutanu ,
 Si ci stufsa l'arrifutanu ,
 Lu disprezzanu , l'ammuttanu
 E lu sediri c'abbuttanu .
 La linguazza poi s'ammolanu,
 Bonu, bonu lu cunsolanu :
 Lu nguttumanu , neutugnanu ;
 E li vesti c'arradugnanu ;
 Lu diffamanu, lu mbrogghianu,
 Di gastimi lu cummogghianu ,
 Di malanni lu ncuperchianu ,
 Chi nni duna, e c'asuperchianu :
 Comu bonu l'arricrijanu ,
 Cu un diavulu l'abbijanru ,
 Ntra lu Nfernu lu sbalanzanu ,
 E lu restu dda c'ammanzanu ;
 Arma , e corpu fannu perdiri
 Cufsi

Cussì a tutti fannu sperdiri;
 Accumenzanu Cumeddìa,
 E finiscinu Trageddia.

Pozzan'essiri scacciati

Comu tili ncilinnati!

Quantu fannu sti Dunnazzi,

Sti tartuchi tignufazzi,

Sti stufi sciaguarati,

Sti faudeddi azzuddarati!

Chi ci vegna raggia, e rugna,

Lebra, colluri, e cutugna,

E cravunchi a cuntinaru

Fina a tantu, chi su sparù;

Fiatu, e dogghia ogni matina,

Ma di ehidda cavaddina;

Catarratti ntra dd'ucchiassi,

Quantu a tutti l'annurvassi;

Vermi topu ntra li testi,

Mali Paschi, e mali Festi;

Gummi, e zimmi ntra la frunti,

E malanni junti, junti,

Spini, agigghi, chiova, tacci;

Tacchi, e tigna ntra la facci,

Scifa, spasa, vozza, cirri,

Lupa, liti, latrì, e sbirri.

Chi lu xiatu ci niscissi

Quantu chiù nu li vidissi;

Lifanzia, chi li sminnassi,

Schirincia, chi l'affucassi;

Afina

Asma, tussi, strutta, e stritta,
 Chi murissiru a la ddritta;
 O na punta di poc'uri,
 Chi nun fa tantu rimuri,
 Mancu porta tanti spisi;
 Ma lu megghiu sarria mpisi;
 Lu chiù curtu poi ammazzati,
 Però primu cunfissati.

Pirdunatimi Signuri:

S'aju fattu chist'erruri,
 S'aju dittu sti paroli,
 Chi un su ditti cu lu cori!
 Ma pirchi nni sù sdignatu,
 Sferru, e parru nichijatu;
 Ca vurria, chi si pintissiru,
 E l'erruri canuscissiru,
 Ca un sù cosa supputabili,
 Nun sù cosa praticabili:
 Nun li pozzu chiù nè appaudiri,
 Nè chiù vidiri, nè audiri.

Fannu cosi purtintusi,
 Cosi assai maravigghiusi.
 Ossirvati sta sciagura,
 Ch'è na cosa troppu dura:
 Impossibili mi parì,
 Chi Natura pozza farì.
 Ntra un sugettu, a un tēpu, e ura
 Forti friddu, e gran calura,
 Gioja, risu, e chiantu tuttu,
 Lu.

Lustru, scuru, e beddu bruttu,
 Mancu mattu, chi discurra,
 Vivu mortu, senza burra,
 Sannu cosi incumpussibili,
 Nun sù cosi mai credibili.
 Ma la Donna cu stupuri.
 Cu spaventu, e cu turruri
 A dispettu di Natura,
 Ntra un soggetto, a la stiss'ura.
 Stissu tempu, e stissu stanti
 Ci fa fari risi in chianti;
 Lù fa friddu ma ch'avvampa,
 Lù fa mortu, ma chi campa.
 Sarrà Donna scura, brutta,
 Ma ci parì bedda tutta,
 E la bedda, e chiara 'n cera
 E'una niura Megera:
 E ci jura pri sua fè,
 Chi si offerva, ma nun è.
 Talchì bruttu beddu vidi,
 Sta a lù scuru, e lustru cridi,
 Vrancu niuru talia,
 Senza forza di maggia.
 (Pari cosa stracchiata,
 Ma si vidi a la jurnata)
 Ogni senza ci cunfunni,
 Dormi vigghia, e non sap' unni.
 Ha la vista, ma nun vidi,
 Chiaru, scuru, e cui l'aucidi,
 Ha

Ha l'uditu, ma nun senti
 Boni avvisi, e avvirtimenti;
 Avi odduri, ma un ci noci
 Dda carogna, chi lu coci;
 Gusta bonu, ed ha bon gustu,
 Ma ci praci lu disgustu;
 Avi tuttu, e tuttu tocca,
 Ma nun tocca a cui lu mbrocca.
 Mancìa, vivi, parra, senti,
 Ma nun avi senciamenti;
 Godi tuttu, ed è un mort'omu,
 Vivu, mortu, e nun sà comu!
 Nun è pazzu, e parra stortu,
 Nun è vivu, e mancu è mortu.
 Va faciti stu latinu,
 Ca vi dugu un ginuinu?
 Va assignaticci ragioni?
 Mancu Seneca, e Platuni,
 Iti Medici, e mmarrati,
 Vivi morti va curati?
 Ca lu stissu pazienti
 Nun sà diri chi si senti!
 Ca nè Lazzaru Riveriu,
 Nè Teufrastu, nè Puteriu,
 Mancu Mesue, o Lusitanu,
 Zuvelferu, o Quercitanu,
 Forsi Cralliu, Donzelli,
 Forsi Silviiu, o Lobelli,
 Nè Sènertu, e mancu Artimannu,
 Nè

Nè Dioscoridi, o Rulannu,
 Mancu Ioppocrati, o Galenu
 Di stu morbu, e stu velenu
 Nni discursiru, o stamparu,
 Forsi un Recipe lassaru!
 Nè lu pratticu Avicenna
 Qualchi Antidotu cumenna,
 Nè Gervasi Redivivu
 Fa ricetta a Mortu vivu.
 Aju lettu a Mattioli,
 Chi d'ogn'erva fari soli.
 La sua forma, e pri chi serva;
 Ma di st'errama mal'erva,
 Chi fa all'omu cussì affrittu,
 Nun c'è nuddu, chi n'ha scrittu:
 Mancu Castori Durante,
 Chi fa ancora li soi pianti
 Tuttu attentu, e tuttu assiduu
 Pri salvaru l'individuu.
 Nun truvàru l'Accademici,
 Nè li dotti, e antichi Medici
 Greci, Arabici, e Latini
 Lu principiu, e lu fini
 Di stu mali comu nfrima!
 Ed Ovvidiu dici, e afferma,
 Ca st'Amuri un sapi ch'è,
 Comu attrai, e tira a sè;
 Cui lu genera, e lu fa,
 Comu nasci, ed unni stà;

Pirchè morti nun lu pò,
 Pirchè ammazza nu lu sò!

Fa un odduri sì di Zagara,
 Ma in sustanza è n'erva Bagara,
 Chi n'ha forma, nè figura,
 Ma si cogghi quannu scura;
 Pari xiamma, stidda, scocca,
 Però mori cui la tocca.

Nun c'è simplici, o cumposti,
 Ch'a stu morbu sunnu opposti,
 Nuddu n'signa un lattuariu,
 Ch'a st'Amuri sia cuntrariu.
 Cura c'è palliativa,
 Ma nun è fradicativa:
 L'hannu datu pr' incurabili,
 E pr'un mali inespugnabili.
 Dici giustu l'Aforismu,
 (Nun è forsi barbarismu).
 Pri li vivi, chi sù morti,
 Midicina un c'è ntra l'orti.

Cui nni sana, cui lu cunta,
 Cui nni nesci, e cci la spunta
 E miraculu di Diu;
 E sta grazia l'appi 'iu,
 Ca murii, e risuscitai,
 Ma azzimmatu assai ristai:
 Mi arristau n' ostruzioni,
 Di pinseri, e apprinsioni,
 Chi un putia chiu caminari,
 Nè

Nè discurriri, o parrari:
 Ora affattu sù sanatu,
 Ca mi l'aju già scurdatu;
 Sugnu bonu, forti, e tifu,
 E mi sentu in Paradisu.

Picciutteddi tinniredi

Guai a vui, la vostra peddi!
 Si cu Donni vi junciti
 Lustru mai vi vidirti,
 Di stu 'fessu Diu vi scanzi:
 Li viditi, chi sù manzi,
 Tutti ossequii, ed accugghienzi,
 Cirimonii, e rivirenzi?
 Nni vurrianu xiachi, e xiammi
 Ntra li frunti di li gambi.
 Chi sù boni! chi sù fin!
 Sutta peddi d'armillini
 Ci truvati lupa, e cani.
 Su a la vista frati chiani,
 Comu poi ci caminati
 Ogni mpicca truppicati:
 Ci truvati nì buzzola,
 Ni puntali, e ni rasola,
 Zerti fanghi, e zerti criti,
 Chi pri morti vi chianciti.
 Cui vuol'essiri avvirtutu
 Vegna ccà nni lu patutu.
 Veni ccà lamuzza nova,
 Veni senti chi si trova,
 Chi

Chi si passa di sciaguri,
 Di malanni, e di maluri,
 Quantu affrunti, e quantu guai
 Si cu Donna ti cunfai.
 Fai cu risu la trasuta,
 Ma si chianci a la nisciuta,
 Ntra li primi gioja mia
 Ti dirrà, Vossignuria,
 Vossia vegna, Vossia trasa,
 Si un patruni ntra la casa.
 T'ubbidisci, e duna gustu,
 Nun ti duna mai disgustu;
 Ti fa bona dimustranza
 Ti fa qualchi amurufanza,
 Ma di frutu, pira, o puma,
 Ca ti fannu flemma, e scuma.
 Qualchi nicu gucciddatu
 Pitittusu, e caliatu,
 Ca lu stomacu t'asciuca,
 E poi all'ultimu t'affuca:
 Qualchi paru d'aucidduzzi,
 Di picciuni, o di gadduzzi,
 Qualchi rara cupulletta,
 Qualchi puntu a la caufetta,
 Qualchi paru d'attaccagghi,
 (Cosi friguli, e fragagghi,
 Ca poi tiranu faudeddi,
 Faudillini, pinnagghieddi,
 Muccaturi, e manti fini,

Tabaccheri, e mantillini.)
 Tu vidennu un rigaleddu,
 Pirchè s'ì novizieddu.
 Canni canni tinni vai,
 Chiù ti pichi, e chiù ti sfai,
 Hai pri sodu, e stai 'ncasciatu.
 Chi di tia s' ha nnamuratu,
 Ca tu s'ì la cara palma,
 Ca pri tia ci nesci l'alma;
 Ca tu s'ì lu culunneddu,
 Lu sò spassu, e sò giujeddu;
 Ca n'hai chiù ch' addisiari,
 Ca la para nun poi asciari,
 Ca la forti già truvasti;
 Ma! cussì, nun è, sgarraffi.
 Li soi fini nun li fai,
 Spija a mia, chi li pruvai!
 Quannu Donna t' arrigala
 T' accarizza cu la pala,
 Jetta a mari un gammareddu
 Nicu, nicu un pisciteddu,
 Cu dd' anniscu, e dda poch' isca
 Lu mulettu poi ti pisca;
 Pigghia pisci di cantara,
 Pigghia grunchi a cuntinara:
 Tu pr' allura un tinn' adduni,
 E zocc' hai ci porti, e duni;
 Ntra itu mentri senza dogghia
 Ti spalliggia, spurpa, e spogghia
 Nu

51.
Nu lu sai quant'è marfusa,
Quant'è mala, e mastriusa:
Lu sò studiu è pinsari
Comu t'avi di gabbari:
Poi chiù pigghia cunfidenza,
A crianza chiù nun penza,
Di vui, e vui discurri, e parra
Fin' a tantu chi t'aggarra:
Comu t'avi pri la cerra
Di tu, e tu discurri, e sferra,
Và niscennu li manuzzi,
Li scagghiuni, e li piduzzi,
T'accumenza a'ncupirchia ri,
Pocu a pocu addimandari.
Tuttu l'annu spinnirai,
Nuddu lausu n'avirai.
Si ti scordi pr' accidenti
Na cusuzza, ch'è di nenti,
Sempri nn'occhiu ti la jetta,
Tinn'affrunta 'ncrepa, e mpetta.
Pri darrerri tinni sparra,
Di lu beni mai nni parra.
Nun chiù nudda tinni passa,
Firchi t'avi ntra la nassa,
Si be fussi omu di riga
T'allucchisci, stanca, e liga,
Ti smantedda, smenna, e smāna,
Comu un scavu ti cumanna,
Cu un sfrazzettu mpiriusu

Ti fa ghiri 'nfusu, e gnusu,
 Peju assai di na navetta,
 D'ogui cosa ti suggetta.
 Tu pirehì sì già annurvatu,
 Si pri forza strascinati
 Di la ceca passioni.
 Nun ti sù d'estorsioni
 Li disprezzi, e l'amminazzi;
 Li nicheji, e li strapazzi;
 Anzi chiù la stimi, e licchi,
 E chiù dintra ti ci ficchi.
 Si stai un ura, e nu la vidi,
 Comu un cani arraggi, e gridi!
 Sintirai la fantasia
 Di la cruda gilusia:
 Chista cca ti fa mpirrari,
 Carpi mai ti fa ligari:
 Chista cca è na vittinedda,
 Chi ti percia li vudedda,
 Ti tramuta tutti l'uri,
 Ti fa stari cu timuri,
 Cu na vampa ntra lu pettu,
 Cu sospiri, e cu suspettu:
 Bench'attentu ci starrai,
 Mai guardari la purrai:
 Benchì stia cu tia cusuta,
 Tant'è fausa, tant'è astuta,
 Ca ntra l'occhi ti la mmetti,
 Scaltra, lesta, pronta, e presti:
 Chiù

Chiù chi guardi mancu vidi,
 (Nun è cosa, chi si cridi)
 N' hai pinseri di manciari
 Nè di jiriti a curcari;
 E chidd' ura ch' arriposi
 Ntra la lana nun ci posi.
 T' arrisbigghi ogni picchidda;
 Sempri pensi supra d' idda;
 Ti smiduddi, e sfinicci,
 Nuddu priculu tatti;
 Nun ti fai chiù riflissioni,
 Nun chiù fai divuzioni;
 Mai ti cerchi cunfissari,
 Mai ti cerchi d' emendari;
 Perdi affattu lu discursu,
 Stai arraggiatu comu un ursu,
 Lu scalaru nun ti spercia,
 Nudda cosa ti fa breccia;
 Nun canusci mancu Santi,
 Sempri stai ntra liti, e scanti,
 Oh chi vita dispirata!
 Oh chi vita seilirata!
 Oh chi vita di dannatu!
 Jorau, e notti turmintatu.
 Oh ch' amuri amaru, afflittu!
 Oh ch' amuri mmalidittu!
 Senti poi chi fini fai,
 Li ringrazii, chi tu na' hai:
 Chi rigali, e chi ricordi,

(Ca si campi un ti lu scordi)
 Comu paga lu to amuri,
 Li toi ntressi, e lu to arduri!
 Quantu foru li toi stenti,
 Li toi guai, li toi lamenti,
 Tanti cauci nn' avirai:
 (Nfaja, tasta, e vidirai)
 Quantu cridi essiri amatu,
 Ntra lu megghiu si lassatu;
 Tutti l' obblighi si scorda,
 Nun ci penza la cajorda,
 Nè cci cadì la faccianza
 A la ngrata vilunazza.
 Comu ha prisu lu eunigghiu,
 Chi t'a fattu negghia, e nigghiu
 Comu ha avutu lu so ntentu,
 Chi lu cori sò è cuntentu,
 Comu è bona ntartarata,
 Chi di tia s'è saturata,
 Và circannu occasioni
 Cu pritesti, e finzioni
 Pri livariti d'avanti:
 Fa risi, e mbrogghia a tanti.
 Ti fa centu tradimenti
 Ti tradisci a tortamenti.
 Comu fici Giuda a Christu:
 Comu mai t'avissi vistu,
 Nu nni parra, nè ni spija,
 Pri nnimicu ti talija:

E si xiati, o la rinfacci
 Pri lavaricci la facci,
 Pr' idda farisi ragioni
 Grida, chianci, e fa catuni:
 Ti scummetti, e ti sgranfugna
 Cu paroli, manu, ed uguna:
 T' arrispanni, r' inciuria,
 Lu bon nomu ti tacchia,
 E di tutti li toi agenti,
 Ch' un ci capinu pri nenti;
 Pirchè aprennu dda vuccazza
 Di fumeri fitufazza,
 Cerni a tutti cu un criveddu,
 Metti a tutti ntra un munneddu
 Nfrinza a tutti, a tutti sparra,
 Si vavija, sburra, e sgarra;
 Cu la lingua fa na guerra,
 Jetta Terri, e Turri'n terra;
 Dici, sdici, lanza, vommica,
 All' urvisca sferra, e sbommica,
 Ca bisogna pri prudenzia
 Supputari cu pacenzia.
 E si ccà tu spiddirissi,
 Nè chiù nenti patirissi,
 Si ccà avissi tirminatu
 Sarris' unu furtunatu.
 Senti ancora chi t' arresta
 Pri cupriri la tua festa!
 Chi pastizza, e ch' antipastu

Pri sigillu, e pri pospastu?
 Doppu tutti sti disordini
 Senti puru chi cc' è anordini:
 Tanti voti ntra sti tali
 Finminazzi cussì mali
 Cci nn' è dati a l' Avirferii,
 Fannu centu cossì sferii,
 Fannu pupi, e pignateddi,
 Gruppa a lazzi, e lazziteddi,
 Fannu middi strigarii,
 Centu milia purcarii,
 Pri dispettu, pri vinditta
 Fannu moriri a l' addritta
 A n' affrittu, a un povir' Omu,
 Senza versu, chi, e comu,
 E lu stricanu, e lu striganu
 Comu aranciu, rina, e riganu,
 Lu struppeddanu, l'acciuncanu
 E lu guastanu, l'arruncanu,
 E lu fannu addivintari,
 Ch'un va mancu tri dinari:
 E c'un cori di Niruni,
 Peju assai di Farauni,
 Hannu a gustu, ed hannu a grato
 Di vidiri stracanciato,
 Lu sò amicu già naimicu
 Fattu sfattu comu ficu:
 E sti mbroghi poi, chi mpastanu
 Scilirati mai li guastanu:
 Com'

Com'è data la sentenza
 Mai si fannu di cuncenzia;
 Tanti duri, ed ostinati
 Mai si movinu a pietati;
 Si cuntentanu dannarisi.
 E nun vonnu ritrattarisi;
 Pirchè l'arma di be beddu
 L'hannu data a Farfareddu;
 O si chistu nu lu fannu,
 Ca timuri di Diu hannu,
 Sempri campi scunfulatu
 T'asci 'n tutta consumatu
 D'arma, corporu, e di vurzuni,
 Resti comu un caparruni,
 Scausa, nudu, loccu, mutu,
 Na fantasma ntificutu,
 Tuttu malu affransifatu,
 Tuttu moddu, e strappiatu,
 Tuttu chiaghi, mpuddi, e crustu,
 Tuttu mprasti, diehi, e fusti,
 Tuttu areddera, e scalora
 Pri tirari marcia fora,
 Tuttu pampini, e puzzuri,
 Tuttu pustuli, e dulari,
 Tuttu pezzi, mecci, e lenzi,
 Macinatu d'astinenzi,
 Tuttu quantu abbifaratu,
 Tuttu guastu, ed abbirmatu,
 Tuttu struttu, strammu, e tortu,

Fai li vermi, e nun sì mortu:
 Comu un mortu feti vivu,
 E poi a tutti si nuciuvu,
 Di l'amici un si guardatu,
 D'iddi primu si lassatu:
 Si ti vidinu pirutu,
 Si ci cerchi qualchi ajutu,
 Ti dirannu stu rifeddu,
 (Ch'a lu cori t'è un marteddu)
 Cui fa ligna a mala banna
 Si si mperra, si si danna,
 Si un si trova un bonu mulu
 Si li nescia 'n coddu fulu,
 E si un' avi chi scanciarì
 A la Zicca cc'è dinari.
 Li parenti t'abbandunanu,
 Anzi coluri ti dunanu
 Ti dirannu puru spissu,
 Cui s'affuca ci se stissu
 Nun ha a nuddu chi lu chianci
 Chi si mpigna, vinna, e manci:
 Sti rispolti, sti paroli
 Ti trapassanu lu cori,
 Chiu t'affliggi, e rispittii,
 Chiu ti muzzichi, e nichii,
 Chiu ti metti a dispirari,
 E ti metti a gastimari,
 L'ura, e quandu chi nascisti,
 Ch'a lu munnu cumparisti,
 Ch'

Ch' a li Donni talia sti,
 E ch' a tutti un' affucasti:
 Però tardu pintimentu
 Nun ti duna giuvamentu:
 Centu voti mori l'ura,
 Ma nisciunu si nni cura;
 Nuddu t'avi carità,
 Ntra lu ngastu ogn' unu stà:
 T'arridduci a tali statu,
 Tantu misiru cascatu,
 Chi n'hai mancu chi manciari,
 Mancu vassu pri cacari,
 E ntra un funnu poi di lettu,
 Schittu, schittu, scatti schettu.
 Cussì speddi la sua scena
 Cui d'amuri si va a mprena!
 Vivu, cottu, sfattu, e frittù,
 Mortu, misiru, ed afflittu:
 E lu peju, chi talu,
 E' l'offisa fatta a Diu.
 Stati allerta Garzuneddi,
 Nuvidduni pinzuneddi!
 Tali Eimmini spirdatili,
 Di mal'occhiù taliatili,
 Ca sù varchi di Caronti,
 Xiami furdi senza ponti:
 Sunnu farii d'Avernu,
 Vi carrianu a lu Nfernu.
 Ultra chi stu morbu acutu,
 C 6 Chi

Chi fa all' Omu neutrunutu,
 Ch' un ci po nuddu riparu
 Li Dunnazzi lu purtaru,
 A la Pesti l' affimigghiu;
 Anzi un puntu chiù iu pigghiu,
 Ca lu Nvernu chidda passa,
 Chistu nforza, e chiù fracalla,
 Ed a Marzu chiù arrinova,
 Nni videmu già la prova.
 Di la Pesti lu signali
 (Diu nni scanzi di stu mali)
 Su li vozza ntra li sciddi:
 St' altra pesti, chi fann' iddi,
 Su li vozza a li ncinagghi
 Quantu l' ova, e testi d' agghi.
 Viju ancora siparari
 Di lu lettu, e lu manciari,
 Li mugghieri, figghi, e matri,
 Picciriddi, fratri, e patri,
 Stannu ancora sparti misi
 Li linzola, e li cammisi,
 Pratta, gotta, e farvietti,
 Cucchiareddi, cu brucetti;
 Pri lu scantu un li 'nfrattani
 Fannu sparti poi lavari.
 Nantra cosa offervu puru
 Di stu morbu eussì scuru:
 Quannu mori un appistatu
 Pari un vivu, addurmintatu,
 Sa-

Sanu tuttu va a la fossa;
 Cu stu morbu mancu l'ossa
 Vannu giusti'n sepulcra,
 Anzi sfattu, na fitura,
 E la rreda lassa nfetta
 Comu pesti chiù piffetta.

Pri lu munnu unu' è chi ghiti
 Di sti infetti truviriti;
 E qualeh' unu, ch'ha sanatu,
 Truviriti, ch'è abballatu,
 Li Spitali firriati,
 Va viditi chi ce' asciati,
 Li truvati tutti chini
 Di sti miseri mischini
 Fracassati, e scontrassati;
 Chi su abbinti, spersi, e sfatti,
 Ci su genti d'ogni forti
 Menzi vivi, e menzi morti,
 Chi la morti s'addisianu,
 Pirchè morti si talianu,
 Cui li vidi midicari
 Già si senti assuncupari,
 Si fa puru giarnu, e mortu,
 Vota tunnu, e torna tortu,
 Pr'un vidiri ddi nichei
 Di ddi Medici judei,
 Chi li carni ci li tagghianu,
 Ci li percianu, e stratagghianu
 Cu rasola, e busunetti,

E cu

E cu focu: e cu lanzetti,
 Lanzittuni, e gammagutti,
 Senza fo duluri tutti.
 Sparti poi li furficiati
 Senza nudda caritati
 A la cani, a la canisca,
 Senza cui li va a rifrisca.
 Nè ci giuva lu gridari,
 Pirch' ognunu attenni a fari
 Quantu vâ la Chirurgia:
 Nè c'è Nunna, Nanna, Zia,
 Nannu, Nannu, chi l'ajutanu:
 Chi si chianciu, l'ascutanu.
 Cci dirannu filamenti
 I r'no sintiri ddi lamenti,
 Ccâli Medici piatufi
 Fannu chiaghi virminufi:
 E nun c'è chi replicari,
 E si mettiau a strazzari
 La sua lingua cù li denti.
 Cci su ancora li scuntenti,
 Chi nun pigghianu mai sonnu:
 Tanti ciunchi, chi nun ponnu
 Mancu farisi la cruci.
 Fannu ancora forti vuci
 S'hannu misu l'alumi arsu,
 Nguentu rufu, (chi n'è scarfu)
 Rittolochia ritunna,
 Cni dificca, sinancia, e mupna,
 Cu

Cu Antimoniu priparatu,
 Ed affai Pricipitatu.
 Chistu ccà li fa abballari
 Senza sonu, e pazziari.
 Cci n'è chini di Pizzetti,
 Autri poi cu pidunetti
 Pri sta stissa nfirmitati;
 Tutti l'uri turmintati
 Cu sfilazzi, stuppa, e meli,
 Cu sciroppi comu feli
 Di fumaria, e di Cicoria,
 Spinaponti, e vumitoria.
 Quanta purvuli viparina
 Ntra dicotti, e trimintina;
 Quantu pinnuli annorati
 Ntra li nevuli ammugghiati,
 Cu Mircuriu nsuccaratu,
 E Diagridiu surfaratu,
 Cu rasina di Jalappa,
 Chi li purga, asciuga, e rappa:
 Quantu mbrogghi, e cossi varii
 Di cartuzzi, e lattuarii,
 O d' Amech, o di autri sorti,
 Purgativi tutti forti,
 Ca ci trasi la Scamonia,
 (Senza tanta cirimonia)
 Nun fann' autru chi cacari,
 Tutti s' hannu a sdivacari.
 Sparti poi li midicini

Coppa, coppa, e gotti chini,
 Tanti, e tanti diaforetici,
 Tanti vini, e vitri emetici,
 Tanti etiopi minerali
 Depuranti di stu mali!
 Quantu Sausa italiana!
 Quantu imprasti di Giurana!
 Quanti nguenti Damasceni!
 Quanti affanni, quantu peni!
 Quantu forti di stumi!
 Quantu forti di profumi
 Di Cinapria fattiziu
 Pri curregiri stu vizio!
 E cu tutta sta gran cura
 Cui noi sana ha gran vintura.
 Poi cci sunnu li stufati,
 Ca stu peju strapazzati:
 Su nfurnati ntra furneddi
 Comu fussiru parceddi,
 Pri sudari chiddi omuri,
 Chi cci fa tantu dulari,
 Nudi, nudi co' hannu a stari
 Comu avissiru a natari:
 Supra l' nra su nisciuti
 Comu statui alluccuti,
 Maschi, moddi, e strapilati,
 Chi cu sponni su asciucati.
 Poi finutu sta turruri
 Cci su fatti tant' unturi,

Di Unguintazzu a forza misu,
 Cu distrizza a brazzu stisu;
 Comu boni su stricati
 Sunnu in coddu carriati,
 Comu tanti pupijanni;
 E pri spassu di st' affanni
 Li stufara ncripativi,
 Ch'hannu mbrazza morti vivi,
 Chi li portanu a curcari,
 Si ci mettinu a cantari
 Cu sganghiddi, e cu xiuretti
 Chissi simili muttetti:
 Comu fu la vita duci
 Cu li beddi babbaluci,
 Nzuccarata, bona, e cara,
 Ripusata, bedda, e rara:
 Cussì facciavi la ngrata
 Vita amara, e tribulata:
 Bona, cara, sapurusa,
 Grata, bedda, e graziusa:
 E li fannu chiù mpurriri,
 Chiù ncripari, e nfradiciri,
 E lu flatu agumintari:
 Ma bisognanu aggibbari,
 Si la lingua si vidissi,
 Pari tutta, chi cci ardissi
 Comu fussi na lumera,
 Tuttu l'hannu na lardera.
 Tutti quanti si vavijanu,
 Ch'

Ch'iddi stissi si schifianu,
 Ma ni vavi mpicciusi,
 Puzzulenti, e schifusi.
 Tannu'n manu un muscaloru
 Comu fusti un gran tisoru,
 Prèlimuschi, e zappagghiuni
 Nun ci fari lu squatruni,
 Ma ci stannu attornati
 Comu fustiru Suldati.
 E ci jocanu la Cucca
 Ntra li gāmi, n'testa, e'n vucca,
 E tant' autri afflizioni,
 Ca su peju d' unzioni.
 Nun chiu' jamu firriannu,
 Chi ogni pena, ed ogni dannu,
 Chi tuccamu, e chi videmu,
 Pri li Donni lu patemu.
 Cui nn'a scrittu, n'ha stampatu,
 Nuddu beni nn' ha parratu:
 Su' terribili, su' feri,
 Sunnu peju di Panteri.
 Chi nun fannu pr' aburtiri,
 Ca si mettinu a muriri!
 Pri la panza nun e' unciari
 Nun si curanu scattari.
 Li sciurbazzi stuzzicusi,
 Sciaguarati, pitittusi
 Vonn'u godiri ogni gustu,
 Poi lu vozzu ci fa sultu.

Tan-

Tanti, e tanti nni su morti
 Pri tintari chist' aborti,
 Senza mancu cunfissati,
 Nè li nichì ngravattati
 Pirchè pigghianu dillena,
 Chi li sprona, spremi, e sprena,
 Poi l'ammazza a tutti dui,
 Nè si sapi pirchè fui.
 Chi lu pensa, cui la cridi,
 Ch' una Matri stissa aucidi
 Li soi stissi figghiareddi!
 E ddi poviri armiceddi
 Di lu celu su privati
 Pr' una lunga eternitati!
 Quantu na' hannu poi affucatu,
 Vivi vivi scafazzatu
 Pri la prescia, e pri lu scantu
 Nun si sentiri lu chiantu!
 O chi morti di mixiaxiu
 Sammuzzatu l'annu a un axiu.
 Fannu n' autru chiù spaventu,
 Ch'a se stissi è un granturmeru:
 Quānu pigghianu ddi mbrogghi
 Vilinusi, pri li dogghi,
 Presti prestu caudari,
 E chiù megghiu addisirtari;
 Ntra ddu stati, e ntra ddu mètri
 Si pugnijanu la ventri
 Comu füssi un tammurinu,
 Pri

Pri putiri l'utri chinu
 Sbacantari cu pristizza;
 E pri tanta sua caudizza,
 E stu malu so cuvernu,
 Cui a Limmu, e cui a lu Nfernu,
 Chiddi poi, chi n'hannu scantu,
 Vannu a figghianu ad un cantu
 Cu na seggia a la riverfa,
 A vintura rutta, e persa,
 Senza diri mancu ciu,
 Nè chiamari a Santi, o a Diu,
 (Pri contrariu, sedd' aucisi,
 Quannu figghianu 'n palisi,
 Fannu vuci, e zerti squiddari,
 Ca cci nescinu l' ariddari)
 E si nascinu cumpruti,
 Sodi sodi, e muti muti,
 Ntra dui pezzi si l' amogghianu
 E poi allura li cummogghianu,
 E li mannau a ghittari
 Cu li Ruffi Cummari
 Gattu gattu, quannu scura
 Ntra jettini, porti, o mura,
 O ntra vucchi di vaneddi
 Comu fussiru cagnuledi,
 O a lu curru, e menu mali
 Tirituppi a lu Spitali
 Oh Diu bonu, ed amurusu,
 Troppu siti piatusu !

Comu vui li supputati
 Sti crudili scilirati;
 Chi cu tanta purcaria
 Fannu straggi, e Vucciria
 Di sti poviri nnucenti,
 Chi nun hannu fattu nenti!
 Nuzzinteddi di piccati,
 Di li matri su ammazzati
 Ntanti versi, ntanti modi,
 Peju assai ch' un fici Erodi.
 Si scrapiccianu, si sbijanù,
 S' amuriggianu, putrijanu,
 S' affigghianu, si sfruntanu,
 A figghiari poi s' affruntanu!
 E cu tanta sfacciataggini
 Fannu poi sti sciliraggini,
 Cu li stissi figghi proprii;
 Nè talianu li lobi
 Lu so granni prigiudiziu,
 E l' eternu pricipiziu.
 Chi curazzu, ch' annu duru!
 E' chiù duru d' un Vuturu.
 Nuddu armali fari soli
 Dannu mai a li soi figghioli.
 Si guardamua li Gaddini
 Hannu cura a puddicini,
 E quant' ova xiocca cava,
 Tanti giusti poi nni scuya;
 E s' ancunu veni faddu,
 Sar-

Sarrà chiaru, o senza gaddu.
 Li Palummi, e Palummeddi,
 Cussì tutti l'autri auceddi
 Li videmu giniusi
 Diligenti, e affittuusi
 Ntra li loru nidicedda
 Pri scuvare l'uvicedda;
 E poi tanti duci, e fini
 Stannu allerta a li rapini.
 La Pirnici, cu stupuri,
 Quannu vidi a un cacciaturi,
 Chi s'accolta cu li cani
 Pri li nichì pirnicani,
 Si fa avanti curaggiusa
 Cu na trampa curiusa:
 Finci sempri sbulazzari,
 Finci sempri di pufari,
 Tanta appiccica, ed acchiana,
 Fin'a tantu, ch'alluntana
 Cu sta ndustria, e stu ntricu
 Di lu nidu lu nnimicu:
 Poi cu voli di rinausi
 Pigghia forti, macchi, e vausi,
 Ch'un si ponnu praticari,
 Nè si fa chiù cacciari:
 E cu st'arti, e sta prisma
 Li picciuni si cunserva.
 La chiù dura Corva scura
 Ci avi puru la sua cura,

Fa ni nidi ntra ni rocchi,
 Chi cu scali, nè cu crocchi
 Cci li ponnu mai pigghiari,
 Rividiri, o scumitari:
 Nun è autru lu so fini,
 Chi salvarli li Curvini.
 Ogn' armali, ch' è di pinna,
 Pri la cuva sua nni spinna.
 Cussì ancora li pilusi
 Di li figghi su gilusi:
 Ogni Gatta a Gattareddi
 Li nutrica tanti beddi,
 Quattru, e cincu nni ncapicchia
 Licca, e basa ogni tanticchia,
 Nè li sapi mai grattari,
 Nudda pena ci fa dari.
 Nè li Crapi a Ciavareddi,
 Nè li pecuri a l' Agneddi,
 Nè li Cani a foi Cagnolini,
 Nè li Lupa a Lupacchioli
 Sannu fari qualchi dannu,
 Nudda offisa mai ci fannu.
 Nè la Gurpi a Gurpagghiuni
 Gabba, o duna muzzicuni:
 Nè la Troja si nn' arraggia,
 O sia manza, o sia sarvaggia,
 S' avi tanti Purcidduzzi
 Sempri appisi a li minnuzzi,
 Chi ci sucanu lu cori,

Sem-

Sempri l'ama, e chiù nni mori ;
 Li Cunigghia graziosi
 Sunnu poi li chiù amurusi .
 Ca fastiddu un si pigghianu ,
 Si tri voti l' annu figghianu ,
 Cu spilarisi la peddi ,
 E formari chiumazzeddi
 Pri putirici pusari
 Quann' è ura di figghiarì
 Li Carmuci nuduliddi ,
 Ca su quantu li furciddi ;
 E poi sempri guardiani
 Su a li vucchi di li tanì ,
 Ca li Serpi , e li Scursumi
 Noi fannu unu lu vuccuni ,
 Nè di Tigri , o Liunissi
 (Di l' armali principissi ,
 Li sbannuti chiù ruini
 E di munti , e di marini .)
 Hannu figghi mai sbranatu ,
 Sempri l' hannu nutricatu ,
 Benchì armali carnaceri
 Cu li figghi su sinceri .
 Nè la Vacca forsi ngrata
 Tira cauci , o na curnata
 A l' addevi Jimizzeddi ,
 O a li nichi Jincareddi ,
 Sempri a latu si li teni ,
 Si li latta , e sprucchia benì .
 Cu

Cu la stissa attinzioni
 Fa la sua obbligazioni
 La Jumenta a Putriceddi;
 La sumera a Pudditreddi;
 Chiddi ancora di lu mari
 Li nutrimi tennu cari;
 Nè mai pisci s' ha sbintratu,
 E di chidda specii asciatu;
 D' antra sorti fannu guastu,
 Pirchè chistu è lu so pastu.

Nun sapennu a nuddu armali,
 Ch' a li figghi soi fa mali,
 Sia furesticu, o feroci
 Nu l' offenni, nu lu noci;
 Nu nni facciu nudda sorti,
 Chi li vogghia persi, o morti.

Ntra li Donni sulamenti
 Feri furii fitenti

Li videmu sti virgogni,
 Nè sù favuli, o minfogni,
 Ca sù cosi praticati,
 Così vitti, e maniat.

Ma pri n' essiri prulisciu

Stu capitulu finisciu

Cu sta sula parità,

Ca vi praci, e sudisfà.

Lu tirannu Cuncutriddu

Quannu scàna a un picciriddu

Doppu mortu si nni penti,

D

Si

Si rancura, (e nun c'è nenti)
Mustra aviri gran duluri
Di dd'eccessu, di d'erruri.
Ma la Donna chiù crudili
Di stu mostru cussì vili,
Quannu jetta li nunnati,
O chi struzza già li nati,
La viditi risulenti;
Tutta sazia, e cuntenti,
Joca, e sciala stimurata,
Leta, liscia, e pittinata:
Ed è carni, e sangu sò!
Comu l'arma poi ci pò
Stari allegra, senza mpacciu,
Comu fa, iu nu lu facciu!
Poi mett'ogghiu ntra li minni
Pri lu latti jirissani,
E si pari giarnarusa
Dici a tutti, ch'è scantusa;
Si li xianchi avi abbuttati,
Ca sù cirri, o sù filati;
Si lu stomacu è agghiuttutu,
Ch'a un duluri mutu mutu;
Chi l'ha misu a malu filu,
E la sfà pilu suppilu;
O dirrà cu nullu affrittu
Pirch'è ostrutta, n'a pitittu;
(Ma ci faccia ghianguluni
Quantu mancia a l'amucciuni)

Ca

Ca giuvatu un c' annu nenti
 Tanti gran midicamenti,
 Nè ribarbaru, nè azzaru,
 Nè pigghiari feli amaru,
 Nè lu sali d'erva vranca,
 Ca camina, e allura stanca,
 Ca ci donnu li jinocchia,
 E cussì a tutti mpapocchia.

Unni l'annu tanti scusi!
 Tanti trampi ndustriusi!
 Tanti brutti magisterii!
 Sunnu troppu, su sfunerii?
 Quantu vidiri vi fannu,
 Chi la Luna va natannu:
 Hannu cosi di turruri,
 Pruviditicci Signuri.

Cui è dd' Omu, chi si sonna
 Di stimari qualchi Donna?
 Ca su crudi (comu dissi)
 Ca li soi vudedda stissi.

Va viditili pilari!

Ca si lassanu scurciari
 Ca dda sita fatta a ferra,
 Ca unni posa scipa, e afferra,
 E cu vitra asciutti, asciutti
 Di rinali, e gotti rutti
 Vonnu n' altra passatedda,
 E cu punti di cutedda,
 Furficicchi, e timpirini

Li pilazza chiù canini
 Di lu cozzu, e di la frunta
 Pirchè l'annu junti, junti,
 Vonnu ntrepidi scippati,
 Risciduti, e ripassati:
 Nè lu cori c'adduighia
 Pri aggiustarisi li gigghia,
 Ca li vonnu un pinfidduzzu,
 Senza nuddu difittuzzu,
 Giusti, pari, ed a liveddu, (du
 Pirchè l'occhi ad un spichialed
 Sempri appizzanu, e girianu:
 E si in casu si struppianu,
 Li scintipi un si nni curanu,
 Nun fann' ai, nè si rancuranu;
 E chi fussi gran duluri
 Si cumprenni, chi chiù uri
 La facciazza ci stà unciata,
 Rulla, rulla na sgarlata:
 E ddu tempu un cumpariscinu,
 Ca s'affruntanu, e arrussiscinu,
 Ma s'ammucianu, e s'aslettanu
 Fin' a tantu ch' arrisettanu.

Chi nun fannu di scurciati
 Si tanticchia sù appigghiati,
 Cu ova frischi, e pitrusinu
 Di la sira a lu matinu!
 Pri na tacca, o pr' un difettu
 Ntra la facci, o ntra lu pettu.
 Vi

Vi dirrianu chi si vogghia,
 Vi supportanu ogni dogghia,
 Nè si curanu di spasimi.

Fannu zerti cataplasimi,
 Chi ci sfancia la pidduncia,
 Chi arrasca, raspa, ed uncia,
 Chi li scorcia, scrusta, e scratta;
 Ma a li voti chiù li ncrasta,
 Chiù li smenna, ed annurica,
 Chiù la facci ci arrusica,
 Ed arreri chiantan' ova,
 E la tacca ci arrinova,
 E s'arraggianu, e disperanu,
 Ed arrestanu com'eranu.

Nun vi vidu l'argintati,
 Li vbranchetti, e suddimati
 Macinati cu acqua rosa,
 Ca ci culta qualchi cosa:
 Cu'mparissi, chi lu fannu
 Cun bon fini, e senza ngannu,
 Pri paciri a li mariti,
 O pri quannu vannu a Ziti:
 E ni tennu carrabuni
 Ntra li cascì, stipi, e gnuni
 Sempri pronti a soi cunanni:
 E furtiscinu poi d'anni,
 Comu nn'hannu fuccidutu,
 Chi si l'hannu già vivutu
 Li picciotti trascurati,

Ch'hannu mortu 'ntufficati.

Nè lu sentinu stu dittu,

Ca lu conzu mmaliditta

Fa li denti rascaddusi,

Virdi, niuri, e schifusi,

E chi un tantu tempu scappa,

Chi la facci chiù ci arrappa,

E chi quantu chiù si conzanu

Chiù si guastanu, e si sconzanu

E chi quantu chiù s'allustranu

Chiù palisanu, e addimustranu,

Chi la peddi, ch'annu tutta,

E' olivastra, chiusa, e brutta:

E Macingu si nni ridi

Ogni vota, chi li vidi

Cu li facci mmirniciati

Comu tanti ammascarati:

Fa lu lardu, ngrassa, e sciala,

Ch' a la morti si li cala

Tincu, tincu a casa cauda,

E dda megghiu li va a scauda.

Chi pazzia! (mi nni nichiju)

Chisti tali, cussì criju,

Ch'un ci vannu 'n Paradisu,

Mentri un vònnu chiddu visu

Di dda forma, e ddu culuri,

Chi ci ha fattu lu Signuri.

Pri un puntiddu di biddizza,

Chi chiù tostu fa bruttizza,

Fan-

Fannu centu fintinzii,

Centumilia strinzii.

Pari ad iddi cu ddu ngannu,

Cu dda conza, chi si fannu,

Ch' addiventanu sanguti,

Ma da l'Omini saputi

Nun su chisti li stinati,

Ca li beddi, e li laudati

Di bon fangu graziosi

Su di Diu li timurusi,

Ca su saggi, e su mudesti;

Pirchè vannu sempri onesti;

Cu lu visu naturali,

Senza farisi facciali:

E su grati a chistu Munnu,

E beati all' autru sunnu.

Sunnu foddì, mali pr' iddi,

Ca macari a li capiddi

Si ci vannu abbranchiannu,

Li martirii ci fannu.

Fannu tanti nguinticeddi

Nnra tigani, e pignateddi

Cu sapuni sdillattatu,

E cu marticu pistatu.

Fannu l'acqua di l'argentu,

Chiummu arsu, ed orpumentu;

Gaddareddi cu l'acitu,

Vitriolu viridi tritu;

Tanti sorti di liscii,

Centu strucciuli, e schifi.
 Poi cu cauli ammugghiati,
 E cu panni caudati
 Hannu a stari tisi, tisi
 Cu li testi a calavrissi
 A lu fuli a lu succaru,
 Ca ddu fustu, e cardu amaru
 Fin' a tantu ch' annuricanu
 Poi l' asciucanu, li stricanu,
 Si li stujanu, e li lassanu,
 E cu l' oghiu, chi ci passanu,
 Li spidugghianu, l' addrizzanu,
 E cuntenti già si ntrizzanu.
 Però poi vi smasciddati,
 Di li risa vi pisciati
 Quannu sgarranu li dosi,
 Ca viditi beddi cosi.
 Li capiddi ci arrussicanu,
 Sicci spezzanu, e smuddicanu,
 Sicci nerispanu, e s'abbruscanu
 Sicci appigghianu, s'infuscanu,
 E ci vennu alliunati,
 Zurri, sauri, e nfucati,
 D'un coluri (senza burri)
 D'un Diavulu, chi curri;
 E cu tanti soi travagghi
 Nun su brunni, nè su gagghi;
 Su sudati, morti, e stanchi,
 Nè su niuri, nè vranchi,
 Nè

Nè castagnì, e mancu scuri,
E ci arreta chiù doluri.

Poi si vecchi ci diciti

Chiù dannari li faciti:

Si di l'anni ci spiati

Si nn'ammuccianu mitati,

E vi fannu giuramenti,

(Però tutti fausamenti)

Ca vi fannu ammađucchiri,

Nè vi aviti chi ci diri.

Vi cunvincinu, e cunfanninu,

E arraggiati v'arrispuñninu,

Ca nun sunnu tantu l'anni

Quantu sunnu li figghiani,

Chi li fannu abbranchiari

Noanzi tempu, e stracanciari;

O cu provita facciazza

Vi dirannu, chi su razza,

Ch'abbranchianu picciotti,

O chi sunnu sfatti, e cotti

Da li longhi nfirmitati,

E da pessimi nuttati,

Si arrappati sù di frunti

Vi dirannu centu cunti,

Centu scusi, e centu mpacci,

Ch' a stu Munnu cui fa facci

Gusta facci, e si stracancia,

E la carni sua si mancia.

Si d'avanti n'annu denti,

Vi dirrannu furbamenti,
 Ca fu stati vastunati,
 Timpuluni, e masciddati
 Di lu reticu maritu
 Di chidd'ura, chi fu zitu,
 O disgrazii, o ammuttani,
 O caduti, o sciddicuni,
 O ch'ha statu la prinizza,
 O ci veni di caudizza.
 (Vui pirtusa, e virrineddi,
 Iddi cugna, e cavigghieddi.)
 'N summa vecchi un vonnu dittu.
 Nè cu tortu, nè cu drittu,
 Comu fussi na pitrata.
 Ntra lu cozzu, o na lanzata:
 Sion' arraggianu, e siddijanu,
 Sinni ncrepanu, e nichijanu.
 Poi ci fu li tignuseddi.
 Di capiddi scumiteddi,
 Cu li testi cuzzuluni.
 Comu fuffiru muluni,
 E su peju scunfulati,
 Ca si vidinu sminnati.
 Cu li scrini, li mischini,
 Comu cricchi di Parrini:
 Lu rimediu nun ascianu,
 Bèchè s'untanu, e s'ingrascianu:
 Cù lu grassu di Cavaddu,
 Cu la nfunza di lu Gaddu,
 O cu

O cu s'ivu di Muntuni,
 Cu ogghiu d'ova, o Lucirtuni,
 O cu Laudanu stillatu,
 O Nastorzu laminicatu,
 O lu sangu di Martogghiu,
 Culuquintida cu l'ogghiu,
 Cu Furmiculi, cu Api,
 Meli, e ziddiri di Crapi;
 Però sempri su d'un versu,
 Zoccu fannu tuttu e periu:
 Travagghianu, timpestanu,
 E tignusi sempri restanu.

Tutti poi cumunimenti

Pri nun fari tanti stenti
 Cu na flemma ogni mattina
 Sinni vannu a la cucina,
 E dda arrascanu pignati
 Li chiù chiù mascariati,
 E cu grasciu di padedda
 Fannu zerta multureda
 Quagghiatteda, tozza, tozza,
 Poi linn' untanu la crozza:
 E cu chiddu mascarò
 Annu già lu ntentu sò.
 Compariscinu billissimi,
 Addubbatu sù bunissimi,
 Quantu l'orvi, chi nun vidinu,
 Pri capiddi già li cridinu:
 Menti avogghianu di fari,

Ca la tigna sempri pari.
 Vonnu fari l'usiceddu:

Cu li trizzi a cannitreddu,
 Poi ddu tuppù nehirchiriddu
 Ci minuzza lu capiddu,
 Pirch' è forti attirantatu,
 E riverfu poi attaccatu:
 Comu'n fatti, scarvarati,
 Chi sù vasci pittinati
 Nun ci na'è, nè sinni vidinu,
 E cu tuttu nu la cridinu.

Ci n'è poi chiù curiusi,
 Chiù stenti, e virgugnusi,
 Ca s' attunnanu la tetta,
 Comu l'omini ogni festa;
 Tanti sconci, e mali fatti,
 Ca viditi tanti gatti
 Cu lunetti, e scufreddi
 Giustu tanti cristareddi
 (Chi ci abbegna a chisti tali.

Scagghiunati di majali.)
 Pagunazzi pitturusi,
 Tutti vanagloriosi,
 Suggittarisi a na moda,
 Ca nisciunu approva, e loda,
 Ritruvata ntra li scusi
 Di li ricchi tignusi,
 Chi pri raggia si tagghiaru
 Li capiddi, e poi nvintaru

I ò pilucchi cu li cioffi
 Scarbulati comu coffi .
 Chi sù brutti cu ddi cerri !
 Tistarduni , cani perri :
 Fannu lettu a Murriali ,
 Ca li cerri tennu eguali .
 Chi su laidi pri la casa
 Cu dda crozza rafa rafa !
 Chiù sfrinzuni ntra lu lettu
 Cu ddu cozzu nudu, nettu !
 Ju pri mia l' affuchiria ,
 Caritati un ci aviria ,
 Li sfarria , ci darria faccu ,
 L' aschiria , li farria un maccu ,
 O frustari supra un Sceccu ,
 O altutaricci lu meccu .
 E cui è dd' Omu tantu liccu ,
 Foddi , bonu , grossu , o siccu ,
 Chi supporta comu un loecu
 O cu friddu , o cu sciloccu
 La mugghieri ntra lu giuccu
 Cu la testa a cantacuccu ,
 O chiù chiaru , e abbreviatu ,
 Comu un salaciu putatu ?
 Frati è troppu , nun c' è scusa ,
 Chi lu fazza la tignusa .
 Ah la sentu , e pri rispettu
 Pri ammucciari lu difettu ;
 Ma ju l'aju contra chiddi ,
 Chi

Chi annu boni li capiddi ,
 Chi pri fari l' erramu usu
 Lu cuzzuni vonnu tufu ,
 E si levanu , e rifutanu ,
 E si privanu , e vi sputanu
 Chiddu adornanu senza spisi ,
 Chi natura 'n testa misi ,
 Cu ddu gratu variari
 Di culuri beddi , e pari.
 Ma di Donna , chi si spera
 Di dda testa sua liggera ?
 Ch' avi a nasciri ? tuddii ,
 Cossì locchi , e strammarii .
 Ma stu dannu nasci , e veni
 Di chidd' omini d' abbeni ,
 Tabbarani , babbareddi ,
 Ch' annu misi li faudeddi ,
 Ca ci passanu ogni gustu
 Pri nun daricci disgustu .
 E un ci spezzanu la facci
 Cu vastunati , asteddi , e stacci ,
 Accusì s' aggiustirianu ,
 E tant' usi un circhirianu .
 Sunnu Fimmini ! farva , farva ,
 Nn' abbranchianu la varva :
 Sunn' apprissi pri cunserva ,
 Ma su sparaci , sunn' erva ,
 Sunnu scuma , scami , scogghi ,
 Su na miscula di mbrogghi ,
 Su

Su marteddi, su tinagghi,
 Su strumenti di travagghi.
 Sunnu testi di rivugghi,
 Spita, spati, stocchi, agugghi.
 Tuttu l'erramu pinseri
 L'hannu a chiddi capidderi:
 Quantu ellennu dispirati
 Pri li testi già munnati,
 Ca un ci giuvachiù pruvigghia
 Nè chiu pettini, nè strigghia,
 Nè chifira, e gummi fracchi,
 Rizzi, e gnignuli, cu scracchi,
 Hannu usatu lesti, e tisi
 Li capiddi contramisi:
 Pri la casa cu li coppuli,
 Nè capiddi, e mancu gnocculi,
 Autru un pèsanu, autru un fānu
 Studiari tuttu l'annu
 Pri li lussi, e pri li sfrazzi,
 Poi a lu Nfernu mazzi mazzi
 Su purtati comu ligna,
 E dda aggiustanu sta rigna,
 Aju lettu zertu cuntù,
 Ghi ccà supra cadì appuntu.
 Mentri un Patri vinirannu
 Stava un jornu scunciurannu
 A dui Fimmini spirdati,
 Chi l'avianu già acchianati,
 Cci urdinau di rivilari,
 E lu

E lu veru raccontari
 Senza frodi, e senza ngannu,
 Si funn' Onnini, chi vannu,
 O chiù Fimmini a lu Nfernu ?
 Tutti allura supra un pernu
 Già furzati a ddu precettu
 Rispanneru a sò dispettu
 D'un tinuri, e d'un parrari;
 Ch' un si ponnu mai cuntari
 Quantu Donni chiù si dānanu,
 E si perdinu, e si ngannanu
 Pri tri causi, e tri motivi
 Tutti pessimi, e nuciivi.
 La prim'è la vanitati
 Unni tutti sù applicati,
 Pri puttari li faudigghi
 Pocu sutta li gammigghi,
 Pri ammustrari li cauletti
 Ncarnatini, ed azzuletti,
 Tutti d'oru prissilati,
 Cu li scarpi ngallunati,
 Cu dui palmi di ligneddi,
 E li punti pizzuteddi,
 Comu fustiru dui vommarì:
 Senza dirivi li ghiommari
 Di li consi, e lu parrari,
 E lu sporcu praticari
 Cu muderna libirtà,
 Ch'è pri tutti, e già si sà;
 E li

E li scannali chi dunanu ,
 Quannu vidinu , e s'addunanu
 Ntra li Cresii, o ntra li strati
 Chi cc' è genti, e sù guardati ,
 Fannu scusa, ch' ogni tantu ,
 Chi ci sciddica lu mantu ;
 O pri farili vutari
 Fannu scusa di scraccari ,
 E piccari a tanti fannu ,
 E pri causa di stu dannu .
 Su a lu Nfernu , cu duluri
 Turmintati tutti l' uri
 'N tutti parti, e in ogni locu
 Cu strumenti tutti focu :
 Ntra li testi pri capiddi ,
 Pri spatuzzi, e pri scucchiddi
 Ci annu vipari, e sirpenti
 Tutti orribili, e sitenti ;
 E cu pettini di ferru
 Su affirratu pri lu cerru ,
 Nfernu , Nfernu strascinati ,
 Sempri afflitti , e lacerati .
 Pri lu lussu supirchiusu ,
 Pri lu jiri sempri all' usu
 Su di spini ben vistuti ,
 E ntra pici poi vugghiuti .
 A li minni disunelti ,
 Pri partarili smudesti ,
 Quasi tutti scummigghiati

Cci su sempri ncapicchiati
 Dui terribili scursuni,
 Chi cu forti muzzicuni,
 E sucuni di dispettu
 Ci trapassanu lu pettu,
 Cu ni peni, cu n' affanni,
 Cu tormenti tanti granni,
 Chi un si ponnu esaggarari,
 Nè nudd' omu pò spricari.

La secunda occasione

E la suprazizioni,
 Ca su tutti fatuchiari,
 Nè si vonnu castigari,
 Ma a lu peju sempri vannu,
 Si a li voti abbucchirannu
 Pr' accidenti la salera,
 Si tramutanu di cera,
 Pirchi e nunziu, e segnali
 Di vicina morti, o mali.
 Si la naca ci tuccati,
 Ci muviti, o ci annacati
 Quannu un c'è la criatura,
 Vi dirrannu cu primura,
 Cu tristizza, e mala vogghia,
 Ca la figghia sicci addogghia.
 Hannu puru pri suspettu
 Si qualch' unu a la so lettù
 Ci va a posa qualchi Cruci,
 Gridirannu a forti vuci,

Ca

Ca nun fannu a rigurdari,
 Nè si vannu ad urvicari.
 La zabbara tennu appisa,
 Pirchè sempri e viridi, e tisa,
 Cu virticchia, e pezzi ruffi,
 Cu curnicchia, acciò nun fussi
 La sua casa minidiata,
 Mācu ad occhju mai pigghiata.
 Tenu zertu, e pri sicuru
 P' un rimediu puru, puru,
 Chi cui piscia ntra la scupa
 Di lu scantu s' arricupa.
 Quannu veni San Giovanni
 Chi nun fannu di malanni!
 Tutti suprastiziosi,
 Tutti poi maliziosi,
 Lu muzzuni hann' a cantari,
 Babbaluci hann' a manciari,
 Favi sicchi, crudi, e cotti
 Granni picciuli, e picciotti,
 Poi ddi scorci nu li jettanu,
 Sutta cascì l' arrisettanu,
 Pri n' agguriu li farvanu,
 Pri li frutti soi cunfarvanu.
 Chiūmu, e cira puru squaghianu
 E ntra l' acqua poi li quaghianu
 Pri putiri pinitrari,
 Cuncipiri, e cuntimplari
 Cu dda forma, e dda figura
 La

La sua retica vintura:
 E si formanu a lu ventu,
 A capricciu, a so talentu
 Dda fuddia; dda fringia
 Chi lu cori fo addisia.
 Fannu l'orin eu l'ali,
 Pirchi e signu nuzziali,
 Si ntra lemmi chini d'acqua
 Si va nnechia, e n̄ si stracqua:
 E cent' autri luccarii,
 Chi su tutti purcarii:
 E pri chisti asinitati
 Su chiù numeru dannati.
 Ma la terza chiù mpurtanti,
 Chi nni fa dannari tanti,
 F la veeca maliditta,
 Ca la tennu chinfa, e stritta
 Culi toru Cunfessori,
 Nè cunfessanu l'erruri,
 E dda forti di peccatu
 Com' e fattu, e comu è statu;
 Ma lu tuttu formalizzanu;
 E a fo modu si l'azzizanu.
 Chidda schetta li foi mbrogghi
 Ntra li denti li li cogghi,
 Pri multrari, chi si aifrunta,
 Supra supra ci li cunta:
 Ma li voli addimandati,
 E cu tuttu na mitati

Ci li lassa pr' eleganza,
 Senza diri la sustanza.
 Chidda poi, ch' è maritata,
 Cu' dda facci arriprubbata
 D' ogni cosa (è graziosa)
 Cu marituma si scusa,
 Ca ci duna lu mutivu,
 Ch' è susticu, e apprinsivu,
 Ch' è reversu, e mormurusu,
 Ch' è malignu, e ringulusu,
 Ca d' un pilu nni fa un travu,
 Ch' è tistutu comu un scavu,
 Ch' è nprisusu, ed è imperfettu
 Poi vattennusi lu pettu
 (Senza mai contrizioni)
 Ci dirrà cu afflizioni,
 Ch' è ravvista, ed è pintuta,
 Ca costumi, e vita muta.
 La cattiva ci va a stampa,
 Ca nun avi cu la campa,
 Quant' ha avutu suffirenza,
 Ca n' ha avutu pruvidenza,
 Ca s' ha vistu dispirata,
 Ca di figghi e caricata,
 Ca lu sapi lu Signuri
 S' avi pena di d' erruri,
 E vol' essiri assurvuta
 Pirchè ha statu cumpatuta.
 In sustanza ogni piccaru
 L' han

L'hannu a diri cummigghiatu;
 Benchì füssi un sagrilegiu,
 Cosa gravi, o sortilegiu,
 Sia macari n'eresia,
 Zoccu è è, zoccu sia sia,
 L'hannu a tessiri d'un modu,
 Cu un parrari mestu, e sodu,
 Ch' a li Patri Cunfissuri,
 Benchì füssiru Dutturi,
 L'ammarraggianu, l'incriscinu,
 Li cunfunninu, e allucchiscinu,
 Chi nun è ci fannu vidiri,
 'Mparu so si fannu cridiri.
 Figurannusi gnuranti,
 Però simplici farfanti,
 Ca su giusti cunfissati,
 Già alluluti, e pirdunati,
 E ddu sulu cunfissari
 Basta a farili salvarì.
 Però Diu nun sulamenti
 In ogn' alma pinitenti
 Ci ricerca lu duluri
 Di li soi cummissi erruri,
 Doppu dittu cu chiarizza
 Lu piccatu cu schittizza,
 Ma la firma voluntati
 Di nun fari chiù piccati,
 Ca si manca stu propòsitu,
 Cunfissarisi è spropositu,
 Chiù

Chiù peccati junci, e crisci,
 Pirchè all'obbligu un cumplisci:
 Nè peccatu nudda chiama
 Lu livari di la fama,
 Nè nisciuna si nn'accusa
 Benchì fussi scrupulosa,
 Divutedda, e diligenti,
 Ca ci pari, chi sia nenti:
 Ed è cosa tanta enormi,
 Tanta orribili, e difformi,
 Ca li Canonì dichiaranu,
 Noi n'signanu, e nni imparanu,
 Chi l'audiciri, e nfamari
 Su dilitti uguali, e pari;
 Anzi cosa tanta umbrusa,
 Tanta pessima, e gravusa,
 Chi, benchì è ricupirata,
 Sempri resta racchiata:
 Nè nisciuna s'ha sarvatu
 Si la fama, ch'ha livatu,
 Nu la va a rittituirì:
 Ne c'è scusa, chi ci diri,
 Pirchè ccà un ci vo dinari,
 Ma lu simplici parrari;
 E poi Diu cnsi cumanna:
 Zoccu a tia dispraci, e affanna,
 Chi sia contra carità,
 A lu prossimu un si fà:
 E' ca sentinu pr'attruntu

Jiri a sdirisi ddu cuntu,
E a se stissi scannagghiari
Cu ristari minfugnari:
Ma stu cuntu nu lu sentinu,
Ustinati mai si pentinu,
Uddiusi mai pirdunanu,
Di lu mali mai s'addunanu:
E pr'un jiri a umiliarisi,
E pri giustu un cunfissarisi
Ntra lu Nfernu tanti cadinu,
E dda poi si pirsuadinu.
Cunchiudennu, chidd'ollessi,
Pricittati, astitti oppressi,
Ca pri chisti tri ragioni
Su li Donni a miliuni
Chiu gran numeru dannati:
E chist'è la viritati
Unni è, chi si taltianu,
Chi si votanu, e firrianu,
Chi si giranu, e si provanu,
Mali, e pessimi s'attrovanu.
Si la Gula, Ira, Mmídia,
La Lussuria, l'Accidia,
La Superbia, l'Avarizia,
La Guaranza, e la Malizia
Si perdunu, o si sfascianu,
Ntra li Donni sempri s'ascianu.
Su mminteri, minfugnari,
Trampunazzi, frazzatari,

Su

Trampunazzi, frazzatari,
 Su fintizzi, su lunatici,
 Sunnu furbi, su fanatici,
 Murmurusi, mascalzuni,
 Rungulusi, ntristatuni,
 Garrittuni, parritteri,
 Chiacchiaruni, chiaiteri,
 Zozzu parri, e ci cunfidi
 Munnu munnu poi lu vidi:
 Picchiusazzi; rivutusi,
 Fuddunazzi, murrutusi,
 Ca mai stannu un ura abbentu,
 Mai ci sedi funnamentu.

Poi su sacchi di vastuni,
 Chiù chi strigghi, chiù chi duni,
 Chiù ch'ammacchi, pisti, e sfasci,
 Chiù maligni sempre l'asci:
 Chiù li vizii ci criscinu,
 E chiù peju nsarvaggiscinu:
 Li disgusti chiù l'avanzanu,
 Pri darrerri poi v'addanzanu,
 E a nichieja chiù linguianu,
 Chiù rispunninu, e vucijanù.
 Benchì spisa spissu abbuscanu,
 Ma li spaddi mai c'abbruscanu,
 Anzi megghiu si la passanu,
 Ntra li peni chiù ci ngrassanu,
 Sunnu comu lu lavuri, (ri
 Ca'chiù mprucchia, e coghi amu-

Si cu pedi è scarpisatu,
O di nivi è cummighiatu,
Nun ci ponnu stillitat,
Maneu trona, e cannuati,
Na piddami tanta dura,
Comu d'assivu ntra mura.
Li lignati, e li sgrignuni,
L'ausapedi, e li sgargiuni,
Nun ci fannu apprinzioni,
Anzi sunnu un unzioni,
Chi ci alliscianu la peddi,
Chiu si fannu tisi, e beddi.
Nu l'affannanu, nè affucanu,
Si l'agghiuttinu, li sucanu
Comu cosi addisiati,
Comu frutti ngilippati:
Nun pri chistu, amici cari,
Ci l'aviti a sparagnari;
Dati sempri, e forti dati,
Ntra la facci cu virgati,
Ntra li vrazza, e ntra li spaddi,
Comu d'assivu a cavaddi.
Benchi pocu fruttu fannu,
Ma sfugiri vi farannu
Dda nicheja, e dda bilazza,
Chi rinchiusa chiu v'ammazza:
E ntra pugna, ntra palori
V'allargati chiu lu cori
Ma si nnò nni nguttumati,

Nni

Noi caditi poi malati :
 E cui dici lu contrariu ,
 Nun discurri , o pighia sbariu ,
 O nun sapi , chi sia munnu ,
 Nè li Finmini chi sianu ,
 Ca su Cerberi , su Ciauli ,
 Scuma tutti di Diavuli :
 Mancu sapi , chi la ferra
 Di lu celu scinniu 'n terra .
 Pri nsignari li virtuti ,
 E ammanzari li virruti :
 E li primi vastunati ,
 Ch' a stu munnu foru dati
 Una Donna li pruvau ,
 Eva primu li tastau ,
 Pirchè fu inobbedienti ,
 Manciuazza , e mpirtinenti ;
 E a la nuda fu pigghiata
 Peju affai di na frustata :
 E putiti immaginarivi
 Senza tantu smiduddarivi
 S' iddi foru dati retti ,
 Pirchè un Ancilu li detti .
 Dunca iu nun mi lu sonnu
 Si vi dicu , ca ci vonnu ,
 Si sta scola nni fu data
 Bonu è , chi sia imitata :
 Dunca quannu su riversi
 Chi su pessimi , e pirversi ,

Chi linguajanu, e rispunninu,
 E chi a vuci vi cunfunninu,
 E su mali veramenti,
 Scuzzulaticci li denti,
 Cu furcuni, confurtatili,
 E cu nervi cunfulatili:
 Non pri raggia, o pri livuti,
 Comu alcuni jucaturi,
 Mbriacuni, o bagasceri,
 Ch' a li poviri mughieri
 Senza causa, a tortamenti
 Li marteddanu pri nenti;
 Ma chi sianu cu ragioni,
 Quannu sunnu lagnusuni,
 Sfartidderi, baggianazzi,
 Rispuisteri, e turdunazzi,
 Chi nun sentinu l' affrunti,
 Nè prighieri, avviti, e cunti;
 Tannu dati, e scattiati
 Fin' a tantu, chi stancati,
 Fin' a tantu, chi s'aggiustanu,
 Nè la testa chiù vi sustanu,
 Chi s' affestanu, e s'ingattanu,
 Nè scummettanu, e cuminattanu
 Chi cu l'occhi vi cumprennanu,
 E a lu debitu v'atennanu.

Benchì sianu incurriggibili,
 Indumabili, e insuffribili,
 Qualechi pocu sempri fruttanu,
 Tan-

Tantu spissu nun v'inguttanu.
 E cui è, chi fa lu criticu,
 Lu durturi, e lu puliticu,
 E dirrà ca stu consigghiu
 E' pri genti di curtigghiu,
 Vaja a nuncia, o vaja a marva,
 O vi dassi cula varva:
 Attinniti a mazziari,
 E lassatili cantari,
 Ca su coria d'addanti,
 Sannu carni d'Elefanti:
 Sfasciatili, scufciatili,
 Boni boni accutufatili,
 Ca chiù meritu nn'aviti,
 Fin'a tantu, chi viditi
 Si custumi, e stili mutanu,
 Ca li Santi poi v'ajutanu.
 Ma si siti schittuliddi,
 Megghiu stativi suliddi:
 Non pri stari in libirtati,
 E pri fari chiù piccati,
 Pr' autri fini, lo finzioni,
 Ma cu bona intinzioni
 Di sirviri sempri a Diu,
 E n'aviri ddu castiu,
 Dda catina, e dda pastura,
 Chi vi duna pena ogn'ura,
 Ca pri quantu iu discernu
 Vi manteni ntra lu Nternu:

Pirchè rara è chidda spusa,
 Ch'arrinesci virtuosu,
 Di bon' induli, cueta,
 Saggia, onesta, e manfueta.
 Nun si pò però nigari,
 Ch'un sia bonu maritari:
 Si pò stari ben cuntentu,
 Chi a la fini è Sagramentu,
 Ed è santa intinzioni
 Pri la gimirazioni;
 Ma è chiù megghiu (ed iu lu sacciu)
 Stari sulu senza mpacciu:
 Si cci voli ben pinsari,
 Pri putirici agguantari,
 Pirchè è cosa d'impurtanza:
 Donna strana ntra la stanza,
 Ch'un si sa (lu ndivinavi?)
 Li cumprissioni ch'avi.
 Sunnu gatti ntra lu saccu,
 Li pigghiati, e stati a scaecu,
 Chi diserrami sciurtianu,
 Ed allura vi siddianu,
 Comu appantu li muluni
 Li additi a un munfiduni
 Ntra lu megghiu, cu bon tattu
 Chi criditi ruffu, e fattu,
 Comu n' menzu lu tagghiati,
 Vrancu, e greviu l'asciati:
 Ogni Schettu l'addisa,

Ma cui l'a si fastiddia.
 Quasi ogn' unu maritatu
 Di stu statu e scunfulatu,
 Nn' è scunfittu, nn' è pintutu,
 Benchì füssi marabutu.
 Pri un spassu, pari un jocu,
 Ma n' è cosa nò di pocu.
 V' assicuru, e parru chiaru,
 Nè su foddì, nè vuttaru:
 D' ogni specii, e manera
 Cui si ngadda va 'n galera.
 Anzi e peju d' un furzatu:
 A lu mancu un cunnannatu
 Fa lu tempu, e ddi poc' anni,
 Poi nni nesci di l' affanni;
 Ma cui è, chi si marita,
 Va 'n galera, e ci va 'n vita:
 E lu peju chi l' addogghia
 Ca ci va di Bonavogghia:
 Sta cuntenti na simana,
 Cu bon cori, e bona gana,
 Poi accunmenzanu li stenti,
 Li cuntrasti, e li turmenti,
 Li pinferi, e li stinnicchi,
 Li lamenti, mussi, e picchi,
 Li travugghi, e li travagghi,
 Li sospiri, e li badagghi,
 E gastima l' ura, e quanou,
 Chiddu jornu, misi, ed annu,

Chi si fici lu cuntrattu;
 E chi mai l'avissi fattu,
 O chi megghiu avissi mortu,
 Nè ci pò nuddu cunfortu.
 Si la pigghia ntra ddu stanti
 Cu cui foru li causanti,
 Cu li stissi soi pinseri,
 Cu l'afflitti missaggieri,
 Chi lu vinniru a ntantari:
 E si metti a ripitari,
 Ca di cui fu cunsigghiatu,
 Fu vinnutu, fu mbrugghiatu,
 Ca li passi nun ci apriu,
 Ca lu tuttu un ci avvirtiu:
 E sintiti sti rançuri
 Tuttu l'annu, e tutti l'urra
 Poi ci vennu li prinizzi,
 E sintiti ccà chiù sbrizzi:
 Ca li preni vonnu noliti,
 Vonnu sempri così insoliti:
 Multu chiù li primalori,
 Ca sù chiù mpiccicalori:
 Addisianu citrulledda,
 Pruna virdi, e varcuohedda,
 Lumii duci, e lumiuni,
 Babaluci, cu crastuni,
 Azzalori, e così novi,
 Pipi, chiappari, ed anciovi:
 Tanti forti di nsalati,
 Acci

Acci, e nespuli salati.
 Ogni xiauru di suffrittu
 Ci cummovi lu pitittu.
 Vonnu pani arrigalatu,
 Maccarruni cu stufatu,
 Muscateddu, e vecchiu vinu,
 Supprissati, e pracintinu:
 Vonnu rizzi, e purpitteddi,
 Calamari, e sicciteddi,
 Vonnu anciddi, furra, sardi,
 Centu sulti, e centu cardi:
 E la pena chi sintiti,
 Ca li vonnu sti murruti
 Pri pruvari si c'è amuri,
 Fora tempu, ed a cert'uri,
 Ch' un si ponnu pricurari,
 Nè accattari cu dinari.
 E si vui nu l'abbuscati
 Fincin' essiri malati,
 S' allarganu, si sfighianu,
 Ogni mpocu si mmizzigghianu;
 O si nno si rispittianu,
 Si lamentanu, e mussianu,
 V' accusanu a li parenti
 (Pri darivi cu tri denti,)
 O daveru vi la jettanu,
 E pri un piru v' addisertanu.
 Poi ci voli lu cannistru
 Cu sti cosi, chi rigistru:

Primu, primu un fasciaturi
 O di vutu, o di culuri,
 O di lama, o riccamatu,
 O cu frinzi lavuratu,
 Cu un sfrazzusu capputeddu,
 E un pulitu chiumazzeddu,
 Un fasciuni di curaddi,
 Grossi, e tunni comu baddi,
 Di bon gustu, e bon culuri,
 Cu li loru partituri,
 E na bona campanedda,
 Cu dui picchi vrazzuledda,
 L' aniedduzzi, o l' auricchini
 Nichareddi pulitini,
 Cuddaretti, e cuppuliddi,
 Mizzaneddi, e picciriddi,
 Tutti nguarnazzimmati,
 Cu scucchiddi atturniati
 D' amueli, o fittuccini,
 D' aspirinu, o carmicini.
 Tanti, e tanti sciddareddi,
 Tanti fasci, e cutriceddi,
 E pilusi, e dumascati,
 Fini, grossi, e delicati:
 Naturcetta, e un ghiummared-
 Pr' abbruscari lu vudeddu:
 E attaccari lu viddicu:
 Cu un vasettu nicu, nicu
 Cu lu meli preparatu,
 O sci-

O sciroppu barbaratu ,
 Ca ci servi pri sgargiari ,
 E la mazzara purgari .
 Li soi manni lisciaandrini
 Muddicuti , vranchi , e fini
 Attaccati cu na scocca ,
 Ch' a la fini si l' accrocca
 Pri mal' usu la Mammara ,
 Sparti poi la paga in grana .
 Di faudili un munfidduni ,
 Di pannizzi un cartidduni
 Pulitissimi arrizzati ,
 Tutti chini , e profumati
 Cu acqua nansia , e cu xiauru
 Di cannedda , e ciminauru :
 Tanti cosi , chi lu sustanu ,
 Ca dinari tutti custanu ,
 Beddi duppii , e zicchini .
 Poi ci vonnu li gaddini
 Pri li torti , e pri lu vughiu ,
 (Chi ci fazzanu strangugghiu)
 Lu pinseri di abbuscari .
 Lu cumpari , e la cummari ,
 Ca cu dici sì , cui nò ,
 Cui ci dici , chi nun pò :
 Ca su tanti cutiddati ,
 Ch' a lu cori ci su dati ,
 Di st' affrunti , e sti rancuri ,
 Di st' affanni , e sti duluri .

Li mughieri si nni ridinu,
 Nun cumpatinu, nè cridinu,
 Nun si curanu di nenti,
 Nè di spisi, nè di stenti:
 Cui si perdi, perdi, e ntigna,
 Sempri frutta la sua Vigua:
 Vegna vestiri, e manciari,
 E sapuni pri lavari,
 Linu, stuppa, manni, e tila,
 Lu mal' annu, chi li nfila.
 Ntra ddu stanti ddu scuntenti,
 Sia bou' omu, sia prudenti,
 Sia chiù forti d' un giganti,
 Sia pizzutu, sia picanti.
 Chiù d' un pipi, e d' un galofaru,
 Sia macari un San Cristofaru,
 Lu viditi comu un cuccu,
 Comu un gaddu, ch' a lu giuccu,
 Comu un scupulu di furu,
 Duminatu di Saturnu,
 Malinconicu, malatu,
 Trivulusu, e tribulatu,
 Cummattutu in chiù maneri,
 Agitatu di pinseri,
 Chi la testa ci sfarnicanu
 E li carni ci smuddicanu:
 Cui la isa, cui la cala,
 Cui lu coci, cui lu sala.
 Speddi un cuntu, e veni n' autru

Un mal'anu appressu all' autru,
 E cu tanti vifficanti,
 E rittorii purganti
 Mai sanizzu lu viditi,
 Sempri sta ntra luttu, e liti:
 Mai si vidi un'ura letu,
 Campa sempri cu scueru:
 Mancia, e dormi afficutatu,
 Mai si vidi cunsulatu.
 Chi martiriu? chè martoriu?
 Peju assai d' un Purgatoriu.
 Biat' iddu cui sta cruci
 La supporta, e ci fa duci,
 Ca un c' è cruci chiù pifusa
 Di la cruci di la Spusa,
 E chiù chiù quann'è mperfetta;
 Si sta forti, e nu la jetta
 Comu jissi a lu Calvariu,
 Si fa n' autru San Macariu.
 Ora va, va maritativi,
 Iti prestu, e arrisittativi,
 E viditi, chi v' abbeni
 Di travagghi, dogghi, e peni;
 Ca nun basta la pacenzia
 Nè la granni suffrenzia,
 Ch'appi Gioppu, ed appi Abelli,
 Nè chi nfigna Pacciuchelli;
 Mancu chidda di Tubia,
 Di Teodoru, e Geremia,
 Nè

Nè di Santu Simiuni,
 Nè di un Santu Ilariuni.
 E cui fa lu nghirriusu,
 Lu valenti, e pitturufu,
 Fa la prima sparpagghiata,
 Poi diventa na quagghiata,
 E cu l'autri po' n' cumuni.
 Fa lu coddu a passuluni.
 Criditi cuitarivi,
 Ma chiù jiti a scuitarivi;
 E si poi nu nni impurrisivu
 Vi dirria, ca ben fattissivu,
 Pirchè ancora c'è chi diri,
 C'è chiù così di patiri:
 Li pinseri nun su nenti,
 C'è chiù gruppa, c'è chiù stenti.
 Stati sempri suggittati.
 Comu stassivu a criati:
 Cunnannati di magghieri
 Peju allai di li statteri:
 Tutto tempu, di tutt' uri
 Stati sempri ntra rimuri:
 Siddiati di picciotti,
 Cu ngà ngà tutta la notti,
 Cu nichei di nurrizzi,
 Ca suna sentinu carizzi,
 Ca su nati o tra purrazzi,
 Cuticuni, viddanazzi
 Cu la scorcìa, e cu li cerri
 Ca

Ca vi annu fari perri:
 E ddu sustu, ch' ogni n tantu
 (Si scumpuniria ogni Santu)
 Ca durmennu li mariti,
 Li megghieri arditi arditi
 Cu ddi manu di cruchetti
 Riscedinu li facchetti,
 Cc' aggranfanu quantu ponnu
 Ntra lu megghiu duci sonnu,
 E cunsumanu a un mischinu,
 Ch' un fa mai lu marranchinu,
 Chi nun fa, nè mai s' adduna
 Sta guttena, ohì lu sduna:
 Quannu poi ci su piscati
 Dali adiddi vastunati.
 Pruviriti scafci, e scanti,
 Sintiriti sciatrì, e chianti,
 Pugna, vuci, e capiddati
 Ntra li novi parintanti,
 Centu nciurii, e paroli
 Ntra li foggiri, e li nori,
 Ca vi annu fari un ghiazzu,
 E passati poi ramazzu,
 Micri, sferra, farru, e ferra,
 Stati n' ghirri, e sempri n' guerra.
 (Quantu pati un maritatu!
 Mischineddu, ch' è affangatu!)
 Ntra sti rusichi, e sti guai,
 Chi nun hannu posa mai,
 Cc'

Cc' appizzati la saluti: 10
 Ntra la megghiu giuvintuti:
 V'affliggiti, o stari afflitti,
 Ma pri pena un siti critti:
 Pirchè tutti li Dūnnazzi,
 Benchè sianu mugghirezzi,
 Tutti sunnu crudi, e ingrati,
 Tutti a ringu fu balati,
 Su farvaggi, su maligni,
 Su zurbusi chiu d'arigni,
 Di carrubbi, e zorbi viridi,
 Chiu farfanti di li spirdi. 100
 Tutti, tutti sdonu finti,
 Titulati, boni, e tiati,
 Tirrazzani, e citatini,
 Tutti suonu malandrini,
 (Nè su fosa, o filadorii,
 Ca natavemu tanti stori) 101
 D'ogni forti, d'ogni statu,
 Sianu sangu curunatu,
 Rozzi, pòviri, o Signuri,
 N'annunadu veru amuri:
 E si n'annu, n'ann è foda,
 Sfama allura comu un brodu,
 Vota, muta, manca, finania,
 Sempri fu carnazza strana. 102
 Tutti sunnu mala razza,
 Sui armalazzi di bunazza:
 Menti boni li cupriti, 103

Mentri l'usi ci faciti,
 Ch'ogni gustu ci passati,
 Vi su boni, cari, e grati;
 Comu vui li jiditedda
 Ci nisciti tanticchiedda,
 Chi ci iti supra ventu
 Siti persi ntra un mumentu:
 Vi scumponinu, ripigghianu,
 E di susu di chiù pigghianu,
 E v' annascanu, e vi nocinu,
 Senza sentiri vi cocinu:
 V' increpanu, e vi rudinu,
 E vi sturdinu, e vi strudinu:
 Tantu fannu, tantu truccanu,
 Fin'a tantu, chi v' aggiuccanu:
 Comu v' orvicanu, e litanu
 Nautra vota si maritanu:
 Pirchè l'erranti missaggi
 Fannu attura li viaggi:
 Ed a nautru vannu a ncoccianu
 E videmmi vi lu scorcianu:
 Pri lu terzu puru tiranu,
 Ed a giuvini s'ammiranu.
 Ca li vonnu rinnireddi
 Pri chiù aviri mmizzigghieddi;
 E ci triscanu, e ci scialanu,
 Poi lu coriu ci falanu:
 E pri l'autru prestu parranu,
 E lu quartu vannu aggarranu:

Nè

Nè lu quintu forsi sputanu,
 O lu sestu l'arrifutanu,
 Caci arrivanu, e ci agguantanu
 Fin' a tantu, ch' attirantanu.
 Sganguлатi senza denti,
 Chi nun servinu pri nenti,
 Cu lu immu, e lu carozzu
 Vonnu sempri lu so tozzu:
 Li Vicchiuni fodi, e saudi
 Vonnu sempri stari caudi,
 La sua dota tennu lesta,
 E sta dota poi è la pesta,
 Chi ci servi pr' isca, e riti
 Pri piscari a li mariti.
 Stu lichettu di dutari
 Li fa sempri maritari;
 Differenti un bastiria
 Cammarata, e Nicuxia
 Pri salari tanti fimmini,
 Ca su chitu di purci, e linnini
 Li cattivi, e li schittuni
 Su migghiara, e milioni,
 Ca si dota nu l' appoja
 Nu li vò mancu lu boja.
 Cui vurria sti mancia pani?
 Cui vurria sti crudi cani?
 Cui varria sta rugna a casa?
 Cui vurria stu vasa, vasa?
 Cui varria sta xiocca a latu,
 Ca

Ca, vi stufa, cu lu xiàtu?
 Cui vurria sta fanciucca,
 Ca lu megghiu fangu foca?
 Cu ddu rusicu d' eccetera,
 E poi un servi quannu è vetera?
 O a la festa di Sant' Anna
 Vurria farisi la scanna:
 Na gran cosa si farria,
 Megghiu affai si campiria,
 Pirch' a tutu n' allate manu,
 Nni nsulentanu, e cunsumanu,
 Nni spreminu, e n' affligginu,
 E dipoi nni crucifigginu,
 E nni picanu, e nni mpignanu,
 E pri fini nni vinnignanu.
 Nè mi faccia nuddu cridiri,
 Chi di st' acqua un voghia viviri
 Ch' ogni casa nn' è nsittata,
 Si n' ha nuddu, ha la Criata,
 Chi li ncrepa, o chi li mignà,
 Li fa ghiru puru a ligna:
 Ognun' avi li soi guai,
 Cui chiù picca, cui chiù assai.
 Fimmini su supressu,
 Cui chiù nicu, cui chiù grossu,
 Sia già l'omu chiastu, e grassu,
 Sia lu viutu di lu spassu,
 Lu mantennu sempri oppressu,
 Sunnu petri di supressu,
 Li

Li vùdedda ci impurificinu
 Cussi a tutti ncripiddiscinu.
 Fimmini! nudda bona,
 Tutti sunnu trampi, e trona,
 Cui vi pari mansulidda,
 Massaredda, e faggiulidda,
 Ch' arraccana, o tessi tila,
 Chi ncunocchia, strai, o fila,
 Vurria centu punturati
 Cutri misili di pittari e
 Benchi fa guarnazioni,
 Benchi faccia orazioni,
 Benchi dica lu Rufariu,
 La midudda a lu contrariu,
 Ci lavura, e ci timpesta:
 La sua menti, la sua testa,
 Pirc'h' è peju d' una sciabbicca,
 Sempri pensa, sempri fabbrica
 Magghi, modi, lazzi, e lizzi,
 Trami, trucchi, e larrunizzi,
 Pri d' affitti, ch' annu a mpinciti
 Pri dd' affitti, ch' annu a tinciti,
 Su canagghia urarioli,
 Su farfanti, su faccioli,
 Sunnu marzapani chiusi,
 Sunnu armali machinusi:
 La chiù tinta nu la cedi
 A la testa d' Archimedi.
 Nni face' iu tanti picciotti

Schittuliddi, caju'dotti,
 Pri. n'aviri chi dutarisi
 Fannu a posta cacciarisi,
 Dandu cocciu a chistu, e chiddu
 Cu scacciaricci l'ucchiddu,
 E ci trippanu, e ci trottanu,
 E l'asciucanu, e nuniscottanu,
 Poi chi c'è? lu vannu acousanu;
 E pri forza si lu spusanu;
 Autru ha fattu lu dammaggiu,
 Autru tohira lu nguaggiu?
 Iti poi, e nu li scannati?
 Nu l'arditi, e li scurciati?
 S'un si provanu, un si cridinu,
 Chiddi poi, chi sunni ridinu,
 Vurria iu, chi c'incappassiru,
 E stu libru poi vassassiru.
 Fimmini! sunnu purpi,
 Sunnu granci, grunchi, e gurpi:
 Acui aggranfanu, a cui afferranu
 Si lu fucanu, e futterranu.
 Sunnu Cochi d'Astarottu:
 Tintu e chiddu giuvinottu,
 Chi ci nchiarra ntra li pugna
 Si lu spurpanu senz'ugna:
 La sustanza si nni pigghianu,
 L'arma puru c'assuttigghianu,
 Lu sdifossanu, e disolannu,
 Nuddu jorru lu consolannu:
 Poi

Poi lu levanu, e lu ngannanu,
 A Diantani lu mannanu.
 Fimmini! su malissimu,
 Sunnu a tuttu inutilissimu.
 Nun su boni pri cemanu,
 Ca giudiziu nun hannu:
 Sù sarvaggi comu putri,
 Tutti ventu comu l'utri:
 Nun su boni pri guvernu,
 Nè pri stati, nè pri nvernu,
 Pirchè tant' invernù, e stati
 Purci, e gutti vi pigghiatu:
 Nun sù boni pri mibistri,
 Ca sù Cossi sù cannistri,
 Di gnuranza, e di malizia:
 Nun sù boni pri milizia,
 Ca sunn' Ochi mpasturati,
 Sempri stannu accuffulati,
 Sù cudardi, maccagnuni,
 Pusillanimi, e putruni:
 Mancu boni sù pri sbirri,
 Ca sù tinti, zuttri, e zirri,
 Sù disuttiti, e sù barri:
 Boni sunnu a fari sciarri,
 A tradiri, fari barri,
 Ca nni fannu nsunzi, e furri:
 Boni sunnu a fari vuci,
 Pr' attizzari liti, e duci,
 Pr' annunziari a li vicini,

Pri

Pri mpastari a li gaddini,
 Pri cacciari cani, e gatti,
 E scaudari lemni, e pratti
 Boni sunnu pri scupari,
 Pri lavari, e ripizzari,
 Pri ghittari lu sirviziù,
 E qualch' autru vili offiziu;
 Di lu restu va jittatili,
 Jiti a mari, e ammazzaratili.
 Eziandiu lu nomu stissu.

Grava a tutti comu issu,
 Noci a tutti, a tutti mpaccia,
 Comu sali pisa, e scaccia:
 Lu videmu a li figghianni,
 Cosa vecchia di tant' anni,
 Quannu affaccia fimminazza
 Turba a tutti, a tutti agghiazza:
 Nun ha fattu ancora ngà,
 E mal' umbra a tutti fa:
 Pari a tutti mala nova,
 Già si vidi cu la prova:
 Tutti sunnu pedi, e müssi,
 Chi si licitu ci fussi
 Ntra lu vagnu la sfarrianu,
 O la scannaruzzirianu:
 A la stissa parturenti
 Sicci ferranu li denti,
 Si fa fridda, ed annivata
 Comu fussi na jilata,
 Sic

Sicci accrisci chiù la dogghia,
Nè lu sangu sicci sbrogghia;
Ma ntra l'uteru ci quagghia,
La travugghia, e la travagghia,
E la fa malancunusa
Comu fussi bisitusa:
Bench'è matri finn' accora,
S'è lu patri nesci fora,
Sempri sta di mala gana,
Mancu jetta cincu grana:
Lu viditi cu na grunna,
Chi vi pari, chi vi xiunna;
E s'ancuna ci va a spiya
Zoccu fici, s'ammunna;
Ma arraggiatu comu un drau
Ci arrispuoni, chi figghiau:
L'armu stissu a nuddu basta,
Chi lu stomacu ci guasta,
E ci fa la pastureda
Lu spricari fimminedda:
Li cuxini li cugnati
Tutti stannu nichiatu,
A li casi sinni vannu,
Nè chiù visiti ci fannu,
Sinni vannu mesti, e muti,
Senza diri, cu saluti.
Ma s'è masculu, oh alligrizza
Tutti nn'hannu cuntintizza,
E l'amici, e li parenti,

La

La mammana, ch'è cuntenti,
 Quannu tocca (mi sintiti)
 Fa l'ucchiddu, lu viditi,
 Fin' a tantu, ch'è a la luci,
 E poi jetta na gran vuci,
 Ca San Petru già passau,
 E lu masculu lassau.
 A la povira figghiata,
 Benchì fusti addulurata,
 Passa allura ogni dulari,
 E ringrazia a lu Signuri.
 Lu maritu comu un griddu
 In finiri masculiddu
 Sauta megghiu d' un Livreri,
 E va a brazza la mugghieri,
 L' accarizza, stringi, e vasa,
 Va a ballannu casa casa,
 E ci causa novu amuri,
 La cunforta tutti l'uri
 Cu paroli, e paluredi,
 Cu pieciuni, e ficateddi,
 Ma di chiddi allattumati
 Ntra lu vrodu sdillattati:
 Poi a lu nicu bammineddu
 Comu l' hannu nfasciateddu
 Tutti 'n brazza sinni preganu.
 Si cunfolanu, e rallegranu
 Cu na gioja tanta granni,
 Ca sù fora di li panni:

C'è fistini, c'è cunviti,
 Comu fussiru a li ziti,
 C'è acquiduci, e cicculati,
 Cunfitturi, e cosi gratis
 E s'incasu è puvireddu
 Si va a mpigna lu cappeddu
 Pri ghittari li spinnagghi.
 Nè si cura di travagghi,
 Ed a granni, e picciriddi
 Duna calia, e nucididi.

Fimmini! a chi giuvanù?

Così mali sempri cuvanu.
 A lu malu sempri nclinanu,
 Boni, e tinti nn'arruinanu:
 Sunnu veri figghi d'Eva:
 Cacaredda a cui l'addeva.

Fimmini! sù cirauli,

Sù agristoli comu frauli,
 Sciotti sciotti comu nevuli,
 Ma mbrugghiati comu preguli.
 Sù ligami assai cucivuli,
 Ma chi abbuttanu di trivuli:
 Facci tunni comu provuli,
 Ma faccioli tutti trovuli,
 Testi leggi comu nuvuli,
 Ma gravusi comu ruvuli.

Fimmini! sù birbanti,

Tutti sunnu aneddi, e nguanti,
 Suttanini, chiova, e tonti,

Tap-

Tappineddi pinti, e pronti,
 Spinguluni, canti, e cunti,
 E pittini punti punti,
 Frinzi, frinnuli, e pinnenti,
 Tutti vucca, e fatti nenti,
 Tutti scoppi, tutti smafari
 Comu lemmi, e comu tafari;
 Gnurantuni cu li coschi
 Vonnu farisi li Toschi
 Cu parrari squinci, e linci,
 Ma su sempri tñoti sfinci,
 Zuzzanali comu aranci,
 Chi li cogghi, addii, e canci,
 Senza scala sicci junci,
 Sempri munni, manci, e munci.
 Fimmini! tutti foddì,
 Tutti su scucchiddi, e scoddi,
 Cu li pedi caddi caddi,
 E li facci a cascavaddi,
 Chi vurrianu ntra la peddi
 Baddi, e corpa di cuteddi.
 Cu l'ucchiuzzi vasciuliddi,
 Ma vi cuntanu li sfid di:
 Sù chiumazza di cuntuni,
 Ma truvati poi spuntuni:
 Boni sunnu ntra la seorcìa,
 Dintra? gutta chi li torcia.
 Fimmini! focu, focu,
 Ferru, e luci ad ogni loou:

Su caverni di schifizzi,
 Su taverni di strifizzi,
 Su tunnari di minnisti,
 Su rizzagghi di ruini,
 Sunnu varchi di carvuni.
 Pastureda a gnutticuni,
 Ed a cui beni ani dici
 Trimintina, rafa, e pici.

Fimmini! sali, sali,
 Sunnu l'estrattu d'ogni mali,
 Sunnu mortaru di maluri,
 Sunnu cascì di duluri,
 Labirinti di lamenti,
 Gulisei di gran tormenti:
 Su spistaculi d'affanni,
 Mari sunnu di mal'anni;
 Ma su mari poi Indiani,
 Quantu chiù cueti, e chiani
 Tantu chiù piriculusi
 Di ddi mostri spavintusi;
 Pirchè quannu n'paci stiti badi
 Sdegnu, ed odiu truviriti.
 Quannu chiancinu a fughhiuzzu,
 Quannu dicinu figghiuzzu,
 Li lazzola allura parinu,
 Li soi riti allura calanu,
 Li cimeddi allura jettanu,
 Ntra lu coppu ddà v'aspettanu;
 E poi tintu cui ci ncappa,

Nu

Nu nni nesci, nè nni scappa;
 E si scappa nesci un crivu
 Menzu mortu, o malu vivu,
 Nesci malu affuttilatu,
 Tantu affrittu, e stracanciatu,
 Chi v' affliggi, e fa confunniri,
 Ca si voli arresi funniri,
 E cu ciò a la funnaria
 Mancu fanu viniria:
 Nè c' è Fificu, o Ciruficu,
 Chi si pigghia poi lu ruficu,
 E si metta a tantu rificu
 Di curari un mortu rificu:
 Ca nun giuva bona china,
 Mancu sausa grossa, e fina,
 Nè Elixir proprietari,
 Mancu boni capunati,
 Nè lattati di simenzi,
 Mancu estratti, e quintessenzi,
 Nè tartuchi, nè giurani,
 Mancu granci, e pirnicani,
 Nè lu latt chiù perfettu
 Di la niura, o di lu pettu,
 Nè di crapa, nè di vacca,
 Ca stu mali mai si stacca:
 Mancu giuva mutar aria,
 Nè scialari, o jiri a Baria,
 Ca ntra pinnuli, ed aprocchi
 Attiranta, e chiudi l'occhi.

Fimmini! su dimonii,
 Sunnu sparti matrimonii,
 Su culovrii, su vipari,
 Sunnu peju di li zifari,
 Vi ntantanu, vi ntunnanu,
 Vi scoppanu, vi xiunnanu,
 Vi abbrazzanu, vi strincinu,
 E poi all'ultimu vi tincinu.
Supra cca nni nesciu máttu,
 Restu stuccu, e stupefattu,
 Stu so amuri un sa com' è,
 N' avi liggi, n' avi fè,
 Di na certa qualità,
 Chi abbabbiri a tutti fà.
 Un amuri assai pirversu,
 Nun ha drittu, nè riverfu:
 Si l'amati vi sminnitta,
 Chiù vi pigghia a sfari a sditta,
 Disprizzatu chiù vi ammutta,
 N' avi supra, n' avi sutta,
 Comu giustu la mpulletta,
 Supra, e sutta un ura jetta.
 Un amuri di pittura,
 In chi allegra, in chi vi scura:
 Mai si vidi cu firmizza,
 Mai vi parra cu sudizza:
 Ntra lu megghiu vi fallisci;
 Sgrida, vola, curri, e sprisci,
 Si sdirrupa, fusi, e cadi,
 Spez-

Spezza, spacca, rudi, e radi,
 Fa arraggiari, fa mpazziri,
 Fa arrinari, fa mpurriri:
 Vogghia mali, o vogghia beni
 Sempri duna affanni, e peni,
 Di na razza tanta mala,
 Ca vi porta a la carnala.

E' st' amuri tantu forti,
 Ch'apparaggia cu la Morti:
 Nun c'è nudda diffirenza,
 Tutti sù d'una putenza;
 Anzi in qualchi circostanza
 Chist' Amuri chiù l'avanza.

Fa la Morti a tutti guerra,
 Cu gran guerra Amuri atterra
 E' la morti assai valenti,
 Anchi Amuri è viulenti:
 E' la Morti naturali,
 Tanta forti, ch'è immurtali:
 Immurtali Amuri è puru,
 Pirchè comu azzaru e duru:
 Cu filecci, ed arcu Morti
 Duna a tutti para forti:
 Cu filecci, ed arcu Amuri
 Duna eguali li punturi:
 Cruda Morti a tutti arrappa,
 Crudu Amuri a tutti acchiappa:
 Latra Morti a tutti spogghia,
 Latru Amuri scorcia, e mbrogghia

Ceca Morti a tutti vidi ,
 Cecu Amuri a uddu sbidi :
 Surda Morti un senti picchi ;
 La cumpatu, n' avi oricchi ;
 Ma st' Amuri chiù zagurdu
 Avi oricchi, e si fa surdu :
 Fa la Morti a tutti un tassu ,
 Ma a lu sulu estremu passu :
 Fa l'Amuri a tutti nivi ,
 Ma cuntinuu morti, e vivi :
 Fa la Morti a tutti giarni ,
 Giarni Amuri fa licarni :
 Di la Morti nuddu sgagghia ,
 Puru Amuri a tutti ngagghia :
 Morti a Ricchi, a Re, ed a Papi
 Fracchi, e forti, a tutti rapi ,
 Si li cogghi ad unu ad unu ,
 Nè si scanta di nisciunu :
 Cussì Amuri fa a lu spissu
 Cu stu tempu, e modu stissu
 A gnuranti, ed a dutturì ,
 Guvirnanti, e Imperaturì :
 A privati, e a puviredi ,
 D' ogni forti a tutti spediti ,
 L'ammartuca, spurpa, e sduna ,
 A nisciunu la pirduna :
 Di la morti su arrusturi ,
 E li nichi, e li nvecchiuti :
 D' Amuri suntu cotti n' Amuri .
 E li

E li vecchi, e li picciotti;
 Cu la Morti un c'è prigheri;
 Nè cu Amuri c'è quarteri:
 Talchi Morti, e chistu Amuri
 Su d'un stissu, e paru omuri:
 Ma, oh miseria di Munnu!
 Ccà mi perdu, e mi cunfunnu!
 Già si vidi st' Amurazzu
 Quantu a tutti fa imbarazzu!
 Già si tocca, e si manija,
 Ma nisciunu si castija!
 Anzi ogn' unu vulinteri
 Ci va a fa lu cammareri
 A un vastafu, a un picaruni,
 A un fraschetta, ad un larruni,
 Ch'assassina, ammazza, e strighia:
 E' na granni maravigghia!
 Nui videmu a l' animali,
 Benchì su irrazionali,
 Chi la morti tutti fuinu,
 Nun ci accostanu, nè ncuinu:
 Ogni vermi nicareddu,
 Benchì fussi un pidiceddu,
 Sinni scanta, nun ci ncugna,
 Quantu pò s'arassa, e scugna:
 Però l'omu discursivu,
 Cu intellettu sanu, e vivu
 Ci va appressu, e l'assicuta,
 La va a ncontra, e la va nfuta;

E cu gustu, e cu gran geniu
 Vaniputiri di st' Armeniu,
 Di st' armali lupu euviu,
 Ch' è lu centru, e lu dilluviu
 D'ogni pena, e d'ogni dannu:
 Minni ncrepu, minn' affannu,
 Nu la sentu, nè capisciu,
 Nni nguttumu, e nni nfuddisciu.

L' Omu sulu 'n chistu vizio
 Perdi affattu lu giudiziu;
 Nun è pazzu, e fa di pazzu,
 Giacchè cancia pr' un schifazzu.
 Pri n' agghiandra purcarusa,
 Pri na fimmina fitusa
 Chiddu fruttu graziusu
 Di la vita priziufu,
 Cussì beddu, cussì duci,
 Chi a lu truncu di la cruci
 Sta cuntinuu pinnenti
 Pri consola di li genti.

Chistu sulu è Amuri veru,
 Sicurissimu, e sinceru;
 Chi si divi afficutari,
 Riviriri, e sempri amari,
 C cercari cu firvuri,
 Pirch' è giustu, e santu Amuri:
 Ed amari la sua morti,
 Ch' è la nostra vera forti:
 E poi morti, ch' arrivisci,

Duna vita, e nun fallisci :

Nun ammala, ma governa

Cu saluti, e vita eterna :

Nun è Amuri, chi nni mbroghia,

Ma nni taghia, spezza, e sbroghia

Chiddu lazzu, e dda catina,

Chi a l'abbissu nni strascina :

Nun è Amuri, chi nni sbesti,

Ma chi copri, duna, e vesti,

E arricchisci d'ogni beni

Senz'affanni, senza peni .

Senza dari mai disgrazia ,

Pirch'è Fonti d'ogni grazia .

Bench'è Amuri sapienti,

Singulari, e onnipotenti ,

N' è superbu, o gravitusu ,

Ma tutt'umili, e amurusu

Nè mulestu, nè scuetu ,

Ma n'agneddu mansuetu :

Tuttu bonu, tuttu amabili ,

Di ogni gustu immagginabili

E abundatu, saziu, e chinu ,

Un amuri tantu finu ,

Chi pri nui stà carzaratu

Ntra lu pani cunsagratu ,

Pri rinforzu, e chiù viguri

Di cui ama lu so amuri ,

Pri sanari li firiti

Di piccati e li cuntriti :

Cui lu voli l'avi allura,
 Nun aspetta, nè dimura:
 Di cui è offisu nun s'offenni.
 Anzi l'ama, e lu difenni,
 E ci dona chistu avvistu,
 Chi lu porta in Paradisu,
 Si vattennusu lu pettu.
 Ci dirrà cu tuttu affettu
 Pirdunatimi Diu miu,
 Veru amuri, e amuri piu.
 Oh ch'amuri! oh ch'amuri!
 E lu ngratu piccaturi
 Nni fa tantu pocu quantu,
 Nè rifletti a chiddu puntu.
 Chi scanzari nun si pò,
 O si voli, o nun si pò.
 Chist'amuri, chi disprezza,
 Ch'arrifuta, e chi nun prezza,
 Chi nun cridi, o chi nun penza,
 Ce'avi a diri la sentenza
 Comu Judici giustissimu,
 Rigurusu, e severissimu,
 O di vita sempiterna,
 O di morti, e morti eterna.
 Tandu poi canuscirà
 Chistu malu, ch'ora fà,
 E stu tempu, chi trascura
 Tuttu persua la mal'ura:
 Quantu sfarda, e quantu strazza
 Pri

Pri na rozza fimminazza,
 Chi l' allupa, allippa, e allopia;
 Chi lu sporca, spurpa, e spropia;
 Chi lu spremi, spedda, e spila
 E lu metti a la cannila.

Quali danni nun soffrisci!

Quali rugni nun patisci!

Quali terri nun firria!

Quali strati nun curria!

Quali friddu nun supporta!

Quali Suli nun cumporta!

Quali fami, quali siti!

Quantu mpigni, quantu liti!

Quantu pessimi puttati!

Quantu gutti ci su dati!

E poi fuffiru graduti,

Pirchi tutti su pirduti.

Quantu affrunti, quantu corti!

Eziandiu la stissa morti!

E pri Diu, ch'è amuri giustu

Ogni picciulu disgustu,

Ch'un ci veni bon 'mparu,

Comu feli ci fa amaru:

Ogni nicu dissapuri

Ci fa noja, e gran duluri,

Comu fussi na muntagna;

E pri ciò poi Diu si ncagna,

Pecca, sciala, e sta ngurfatu

Ntra chiù forti di piccatu,

E poi

E poi contra la ragiuni
 Ci fa d' agghi lu pīstuni,
 E vol' iri 'n Paradisu
 Drittu drittu, e tisu tisu;
 Ma stu scetru, e sta curuna
 A li ngrati un si ci duna,
 Nè a cui campa sinfuali
 Cul' amuri bistiali;
 Ca bisogna ccà patiri,
 Tullirari, e suffiriri
 Coss' avversi, e viulenzi,
 Dannu frenu a nostri senzi,
 A la carni stimulusa,
 Ch'è la chiù fastidiusa;
 Supputari tirannii,
 Turbulenzi, e malatii
 Quantu Diu disponi, e manna;
 Chi chiù ama quannu affanna;
 Pirchi un duna mai suppliziu,
 Chi nun sia pri benefiziu;
 Chi li guai su un purgatoriu,
 Comu dici San Grigoriu,
 Chi nni purganu ccà l'alma;
 Ca cu godi sempri calma,
 E sta prospiru 'n piccatu,
 Signu è, chi già è dannatu:
 Chista paci è chidda guerra,
 Ch'a la fini l'assutterra.

Quannu un Patri a li figghioli

Stre-

Stremament i beni voli,
 Li disprezza esternamenti,
 Però l'ama internamenti,
 Li manteni cu timuri,
 Cu castighi, e cu riguri:
 Chiddu Mastru fa prufittu,
 Chi manteni sempri afflittu
 Lu Scularu cu firrati,
 Cu cavaddi, e cu parmati;
 Benchì strilla, ammufla, e annasa
 Ma li manu poi ci vasa.
 Si lu Medicu nni tagghia,
 Nni struppia, o nni travagghia,
 O rinfrisca qualchi chiaga,
 Si ringrazia, e si paga:
 Canuscemu certu, e chiaru
 Chiddu focu, e chiddu amaru,
 Chi nni duna, e fa arraggiari,
 E' cu fini di sanari,
 Quantu chiù si divi a Diu
 Un ossequiu chiù piu!
 Lu fa ogn'unu, nu lu predicu,
 Diu nnè Patri, Mastru, e Medicu,
 Comu Patri nni curreggi
 Cu carizzii, e dispreggi:
 Comu Mastru nni fa apprenniri,
 Chi la ferra nni fa attenniri,
 E nni nfigna sta virtuti,
 Ca c'è morti, e c'è saluti:

Comu medicu celesti
 Sinfu punci, affligi, e mmeffi,
 Nn'arrisbigghia d'un letarge
 Di campari porcu, e langu.
 Si la vucca nn'amarija,
 Nni cunfola, o fastiddija
 Cu ll'aloj, o cu cunferva,
 D'ogni mali nni priferva;
 Pirchi un voli a nuddu oppressu,
 Nè lu fa pri nuddu intréllu,
 Ch'è un Signur assai richissimu,
 Giustu, sanu, e amabilissimu.
 Quantu chiù ringraziarisi!
 Quantu chiù ringraziarisi!
 Ca nni medica pri nenti,
 E di chiù si pazienti
 Nni farremu, e rigulati,
 Nn'arrigata, e fabiati,
 Chi pò fari chiù, e nun fà!
 Ntemu in, ichi chiù un parrà:
 Cussì è, lu cunfissamu,
 Ma la pratica arraffamu:
 Obsè, lu canuscemu,
 Ma lu guaiu finu semu,
 Ma vulemu ccà sbiari nni,
 E nni demu poi salvar nni:
 Ma di gloria unci sunnu,
 Gusti ccà, ed a l'autr'annu:
 No ti spassi, e suntu tizzi,

Ma li peni, e l'amariezi,
 Sunnu chiddi, chi nni sananu,
 Ch'a lu celu poi nn'acchiananu.

Crissu stissu è l'esemplari:

Pri putiri arrieri entrari
 Cu stinnardu di vittoria
 Ntra lu regnu di la gloria,
 Di cui nn'era lu Fatturi,
 Lu Patruni, e lu Signuri,
 Fu bisognu, chi patissi,
 E nchiagatu di chiù jissi:
 E cu tuttu poi ddà susu
 Lu purtuni truvau chiusu
 Bisugnannu dda fittiva
 Numirusa cumitiva
 Di chidd'animi biati
 Di lu Limbu scarzarati,
 Ch'acchianava cu frivari
 Cul'eternu Redenturi,
 Chi gridassi a coru forti
 Chi si aprissiru li porti,
 Ca vinia lu so Rignanti
 Gloriosu, e triunfanti,
 E cu tuttu nun sinteru,
 Paradisu nun ci apreru,
 Tali supplichi un bastaru,
 Ma chiù forti replicaru,
 Chi li porti sbalanca ssiru,
 E vinissiru, e ncuntra ssiru.

A lu Re di li Virtù,
 Ed allura apertu fu.
 Cussì Diu a lu Figghiu amatu;
 L'Unigenitu stimatu
 Lu trattau cu stu riguri;
 E nui sciocchi tradituri,
 Tutti miseri, e fangusi,
 Scanuscenti, e chimirusi,
 Senza meriti, e allurdati
 Ntra immunizzi di piccati,
 Sulu digni di lu focu,
 A st'eternu, e santu locu,
 Unni parti nun cc'avemu,
 Chi pri grazia l'ottinemu,
 Nè nni spetta, nè nni ncozza,
 Vulem' iricci in carrozza!
 O pazzia di cechi genti!
 Prusuntu, certamente!
 Pritinemu l'impossibili,
 Unni un semu miritibili
 Di ccà 'n terra taliarilu,
 Nè cu vucca duminarilu!
 Chiddu locu maistusu,
 Cussì granni, e funtuusu,
 Tuttu gaudiu, festa, e risu!
 Basta a diri Paradisu!
 Acquistatu da li Santi
 Cu suduri, sangu, e chianti,
 Cu cilizii, cu astinenzi,

E cu

E cu aspri penitenzi :
 Distaccati d'ogni spassu ,
 E di Donni sempri arrassu :
 Chiddu locu signalatu ,
 Ch'è di tutti addisiatu ,
 Unni un trovasi duluri ,
 Nudd'angustia, o timuri ,
 Malatii, o nfirmità ,
 Ma cuntinua sanità !
 Unni mai cc'è dibulizza ,
 Nè patiri, nè stanchizza ,
 Nè disturbi, nè lamenti ,
 Nè ignuminii, e tradimenti :
 Unni un cc'è ricissituti ,
 Mali cori, o ambiziosi ,
 Nudda mai viffazioni ,
 Nudda mai tintazioni
 Di piccari, o fari erruri ,
 O di vanu, e impuru amuri ,
 Chiddu locu senza frodi ,
 Unni certu s'avi, e godi
 Vita eterna sicurissima ,
 Stanza eterna lucidissima ,
 Carità sempri sincera :
 Unni sempri è Primavera ,
 Senza Estati, senza Nvernu ,
 Cu riposu eguali eternu ,
 Cu cumuni, e santa paci :
 Unni mai si stanca, o taci

Cu amuraſi Serafini ,
 Cu infiniti Cherubini ,
 Cu Virgini curunati ,
 E cu l'Animi biati
 Di cantari cu alligrizza ,
 Cu fiſtiva cuntintizza ,
 E cuncertu armoniuſu
 L'Alleluja gluriuſu :
 Unni mai ſi pò finiri
 Di laudari, benediri ,
 E adurari in Maieſtà
 La Santiffima TRINITA' ,
 Stu Miſteriu incapibili ,
 Ch'a nui ora è incompreſibili ;
 Unni dda canuſciremu ,
 Unni allura vidiremu
 Di Diu Patri la Putenza ,
 Lu Sapiri, e la Climenza
 Di lu Figghiu, e Spiritu Santu:
 Curunata à lu ſo cantu
 La Puriffima MARIA ,
 Figghia, Spuſa, e Matri pia,
 Chiſta granni Imperatrici
 Di nui autri Pròtettori :
 Chidda locu virdiggianti ,
 Cuſi amenu, ed abundanti
 Di cileſti miludii ,
 Di dilizii, ed alligrii ,
 Senza nudda afflizioni ,

Senza mai currizioni,
 Senza tenebri, nè notti,
 Nè decrepiti, o picciotti,
 Ma paraggi di statura,
 Comu Cristu di figura:
 Nè c'è lumi in chistu locu
 Di lucerni, stiddi, o focu,
 Nè di Suli, nè di Lupa,
 Ma Diu sulu, quali duna
 Lumi eternu, e luci duci,
 Comu lumi d'ogni luci:
 Unni sunnu l'alni eletti,
 Di piaciri, di dilettri,
 E di gusti tanti chini
 Senza termini, nè fini.
 Fortunatu cui ci vâ,
 Ci starrà n'eternità:
 Cui na vota è ricevutu,
 E' in pirpetuu arricchutu
 D'ogni bonu, e d'ogni beni,
 Chi Diu godi, e in se cuntènì,
 Cu chinizza, e cu gran metodu,
 Comu scrissi già nell'Esodu:
 Chi biddizzi, oh chi biddizzi!
 Oh chi gaudii, oh ch'alligrizzì!
 Tanti duci poi farannu,
 Ch' in eterno un suffirannu.
 Ma chi vogghiu raccontari!
 Culi pò manifestari!

Si un San Paulu, chi ci jiu ;
 Quannu d'estasi scinniu
 Scinniu tuttu allucinatu,
 Tantu allegro, e spavintatu ;
 Tantu faziu, e cuntenti,
 Ca nun sapi a diri nenti !
 Dissi sulu : Vitti, Vitti,
 Vitti coss, chi un sù critti,
 Vitti arcani inesplicabili,
 Infiniti, e incumparabili,
 Chi nè occhju mai guardau,
 Chi nè vuca mai gustau,
 Chi nè oricchia mai sintiu,
 Nè mai cori cuncipiu,
 Nudda lingua li pò stenniri,
 Nè nudd'omu pò cumprenniri :

Oh quantu, oh quantu mmidiu
 A lu bonu Frati Egidiu,
 Ch' in sintiri Paradisu
 Arnistava si suspisu,
 Tantu a tonitu, e distrattu,
 Sullivatu tantu in rattu .
 Chi chiù ghiorna nun manciava
 Pri lu gustu, chi pruvava .

Oh si nuidu cuntimplassimu !
 Oh si sempri ci pinsassimu !
 Cui farria, chi picchiria !
 Cui a sti Donni stiniria !
 Chi pri un puntu di cunsolu

Nni

Nni mittemu ntra un tagghioh,
 D'un gaudiri tanta gioja,
 E acquistari eterna noja
 Ntra lu focu di l' abissi
 Voluntarii di nui stissi:
 Unni è scrittu supra tuttu
 Chistu orrendu, e chiaru muttu
 Chi cui trasi ntra sta stanza
 Perdi affattu ogni spiranza.
 Stamu accura, apremu l'occhi,
 Ca un sonn'acci, nè finocchi,
 Ca si chiama vita, vita:
 Cui l' allorda, cui la ncrita,
 Cui di Donni si nnamura
 Perdi chista, e la futura;
 Ch'è sentenza irrefragabili,
 E' cirtissima, e immutabili:
 Pirch'è cosa vista, e trita,
 Talis vita, finis ita:
 E la pena, e lu chiù teddiu,
 Ca un si trova poi rimeddiu,
 Ca ddà susu un c'è parenti,
 Boni amici, e boni genti,
 Chi nn'ajutanu, e nni reggiu,
 Cavaleri, chi pruteggiu,
 Avvucati, chi nni scusanu,
 Ma piccati chi nn'accusanu,
 Arrifrontanu, e nni smannanu,
 E a lu Nfernu nni cundannanu.
 Nè

Nè li Santi parrirannu,
 Ca ragiuni nn'avirannu,
 Ca li boni soi esemplari
 Mai li vosimmo imitari.
 Lu nostr' Ancitu Custoddiu?
 Nn'è nimicu, nni port'oddìu,
 Chi lu beni nni spirava,
 Ed a nui nun nni spirciava,
 Diu? nn'è Judici s'dignatu,
 Giustamenti nn'è adiratu,
 Nni nn'abbija, e mmalidici
 Ntra Dimonii, focu, e pici,
 Ca l'avemu trasgridutu,
 Nè l'avemu mai ubbidutu.
 Dunca cui nn'ajutirà?
 Cui sullevu nni darrà?
 Cu cui dunca nni vitamu?
 Cu Maria? nulla truvalu;
 Pirchè cui la cerca tardu
 Nun ni licca mancu un sguardu
 Cui la cerca ccà p'istempu,
 Si l'attrova poi a ddu tempu:
 Benchì sia lu sutterfuggiu,
 Lu riparu, e lu rifugiu
 Di nui altri Cristiani,
 Piccaturi, impuri, e vani,
 Puru è specchiu di giustizia.
 Ca cui sta cu sta malizia,
 Chi Maria dipoi l'ajuta,

Stà in erruri, Parrifuta;
 Pirchè grida la Scrittura,
 E sbannisci cu primura
 A cui pecca cu gnuranza,
 Cu fiducia, e speranza,
 Chi sarrà poi pirdunatu;
 Ca stu ndultu l'ostinatu
 Nu lu godi, nè pò aviri,
 S'un stà ora a lu duviri;
 Pirchè offenni, fa discordia
 A la gran misericordia,
 E buntà d'un Diu giustissimu:
 Quali vidi, e sa binissimu
 Ogni cori, ed ogni nternu
 Di lu celu, terra, e nfernu:
 Quali giudica, e sintenzia
 Cu giustizia, e clemenzia:
 Cu giustizia a li tristi,
 Cu climenzia a li ravvisti,
 Dunca d'ora ravvidemunni,
 Rassignamunni, e pintemunni,
 E mittemunni a la via
 Di cercari a Diu, e Maria,
 Ed a l'Angilu tuturi,
 E a li Santi prutitturi;
 Pirchè poi li truviremu
 Quannu nui ci ricurremu.
 Li Dunnazzi nun guardamu,
 Ch'accussì ci la nfirmamu.

Zirbinotti cu vui parru,
Cui nun voli stu catarru
Staja allerta, e dica d'ora:
Fimminazzi! fora, fora,
Pirchi sunnu lu strumentu
D'ogni affannu, dannu, e sientu.
Lu passatu sia passatu:
E cui forsi un l'ha pruvatu
Stia guardignu cu scaltrizza
A nun dari cuntintizza
A lu ferru Satanassu,
Ch'ogni gustu, ed ogni spassu,
Ogni forti di litizia
Li cunverti poi in tristizia.
Si la carni si risenti
Ricurriti a Sacramenti,
A lu Santu Crucifissu,
Cunfissannuni chiù spissu:
Ogni tantu diunati,
Ch'accussì la raffrinati,
E pinsati, chi si mori,
Ca vi teni di lu cori
Lu piccatu alluntanatu
Stu sirpenti avvulinatu..
Lu pinseri di la Morti
E' lu chiù riparu forti,
Lu chiù sodu baluardu,
Comu insigna San Birnardu,
Ch'a stu munnu pò pigghiarisi
Cui

Cui ha picittu di salvarisi.
 Chistu puvu ha fattu a tanti
 Ritirari, e fari Santi,
 E mutari in bona forgia.
 Comu fu un Franciscu Borgia,
 Chi guardannu curiusu
 Lu cadaveru puzzusu
 D'Isabella Imperatrice,
 La chiù bedda, chi mai fici
 La natura, e pozza fari
 Di biddizzi singolari;
 Pri vidirila manciata
 Di li vermi, e sfigurata
 Si jiu a fari Gesuita,
 Cu tant'aspra, e dura vita,
 Stannu sempri 'n ginucchiuni,
 In vigili, in diuni,
 In cuntinui orazioni,
 Ed in cuntimplazioni.
 Di sta nostra vita frali,
 Cusì fragili, e murtali:
 Rifutannu pompi, e lussi,
 Toghi, mitri, e cappi ruffi:
 Ch'ajatannulu poi Diu
 Ddu gran Santu arrinisciu
 Di pirsfetta carità,
 D'esemplari castità.
 Oh cui castu si manteni
 Chi tisoru, e gloria ottieni!

Oh chi pregiu, bol ch'è mienza
 E la vera cunsienza e nfidu
 Pirchi tenenza affetti e nfidu
 Di muna zzu cori, e pettu
 Pirchi teni rigulate, e nfidu
 Ben curretti, e neastati e nfidu
 Tanti sensi, chi m'è fannu
 Tanta guerra, e tanta dannu
 Pirchi teni sempri arrastu
 Ddu diletu, chiddu spassu
 Chiddu stimulu carnali, bidu
 E dd'affettu sinzuali, bidu
 Ch'è contraria a la ragionu, bidu
 E risisti a dd'ammuntunni, bidu
 A dda siti, e a dd'arsaria, bidu
 A ddu focu di lussuria, bidu
 Chi cuntinuu nni visita, bidu
 E chi a tutti nni pricipita, bidu
Cui si voli dunca fari nfidu
 Santareddu, e cunsirvari nfidu
 Sta gran doti, e stu gran pregiu,
 Chistu granni privilegiu
 Di la sua virginità, bidu
 Nè macchiari l'onestà, bidu
 E' bisognu, chi facissi nfidu
 Quantu dicu, e s'astinissi
 D'ogni brava cumpiacenza,
 Cu timuri, e suffrenza,
 D'ogni nicu dilitteddu,
 D'ogni

D'ogni nica piccateddu,
 Pirchè fitta xiniati,
 Sta annucciatu lu nuncali.
 Chi nun stassi mai uziufu,
 Chi nun fuffi curiusu,
 E chi l'occhi castigassu,
 Ca li Donni nun guarda li,
 Chi su spini, su ruvetti,
 Maritati, o vidui, o schetti,
 O su vecchi, o piccinteddi,
 O giuvini, o nicareddi,
 O malati, o morti, o vivi,
 D'ogni modu su nuci vi.
 Sianu fatti di pittura,
 Sianu fatti di scultura,
 Nun su boni a taliari.
 Nun su boni mai a guardarisi:
 Chi nun jissi auciddianu,
 Chi nun jissi firriannu,
 Nè mprinannu li vaneddi,
 Finistruni, o finistreddi,
 Ca sta forti di piccatu
 Chiu di l'autri è dilicatu,
 Ca pri l'occhi primu trasi,
 Poi fdirrupa mura, e casi.
 E' bisognu, chi si stassi
 Ritiratu, e chi nun dassi
 Nuddu locu a l'Avvisariu,
 Pirchè additta lu cuntrariu:

Metti specii vani, e brutti,
 Nelina a vita larga a tutti;
 Pirchi è fausu, ed è futili,
 Tuttu astuzia, tuttu vili.

Accumenza cu lu nenti.

Cu passaggi duci, e lenti;

Vi fa fari un ucchiatedda,

Na civili rifatedda,

Na jucata di manuzzi,

Na tuccata di piduzzi,

Vi fa dari un pizzuluni.

Leggiu leggiu a l'ammucciuni;

Accumenza cu lu pocu,

E poi appiccica lu focu.

V'arrisbigghia a picca a picea,

Fin'a tantu, chi v'addicca;

Comu siti poi addiccati,

Chi già siti scuitati,

Nun vi ponnu chiù tratteniri,

Cuitari, nè manteniri

Di stu sporcu gusticeddu.

Cordi grossi di vascieddu.

Cui però fa resistenza

Cu giudiziu, e prudenza,

Cu furtizza, e cu curaggiu,

Purtirai poi lu vantaggiu

Di già aviri sospiratu,

Ribbattutu, e cunculcatu

Stu nimicu pudirusu,

Tan-

Tantu bruttu, e schifiosusu ,
Ed otteni cu vittoria
Cu la palma eterna gloria.

Ma pirchi si soli diri
Pri chiù fari ravvidiri
Chiddi petti, duri, e scempii ,
Chi chiù movinu l'esempii ,
Chili simplici paroli,
Pri stradarivi lu cori:
Imitati a un Carlu Quintu ,
Chi pr'un effiri mai vintu
Di pinseri disonesti,
O di sguardi nun mudesti ,
Tinia spissu l'occhi chiusi ,
Cu maneri ginirufi:
Tinia puru 'n catinazzu
Li finestri a lu palazzu .
Pri n'aviri occasioni ,
Qualchi brutta ntinzioni
Di guardari qualche oggettù ;
Chi facissi malu effettu .
Imitati a un Santu Ignaziu ,
Chi vi fa ristari saziu ,
Chi cu zelu impariggiabili ,
E cu animu ammirabili .
Mustrau tantu di valuri
In dumari chistu arduri ,
(Veramenti da Suldatu
Valurusu, ed assinnatu)

Chi un curau di strapazzarisi

Pri l'onestu n'allurdarisi

Cunsirvannusi cuntenti

Ntra flagelli, e patimenti

Chistu donu cussì vastu,

E di menti, e d'opri castu.

Cussì un Binidittu Abbati,

Pri tiniri raffrinati

St'appititi malandrini

Si stricava ntra li spini.

Firdinandu Imperaturi

Pri stu simili timuri

Si privava di manciari

Cibi boni, e dijunari

Tuttu l'annu, pri riprimiri,

Pri curari, e pri cumprimiri,

Li punturi di lu sensu,

Di stu simili cunsensu

Fu Apolloniu Tianeu,

Un modestu Tolomeu

Re d'Egitto, pr'un cascarì

Ntra pinseri irregulari,

Sitrattinni cu prudenza

Di nun dari mai audienza

A una Damma di grannizza

Pri l'estrema sua biddizza,

Pri lu scantu nun incurriri

Cu la scusa di discurriri

In affetti, e passioni,

In

In sfrinati oppressioni.

Ntra stu gradu puru ammiru.

A un Licurga, e ad un gran Ciru.

Tutti dui corrispudenti.

Nell'onestu, e cuntinenti:

Dui culonni tanti forti,

Chi già godinu la forti

Di vidirisi stampati,

E la eternu cilibrati

Ntra li carti d'onestà

Cu trusei di purità.

Imitati cu firvuri,

Cu sudizza, e santuramuri.

Ad un San Tumasu Aquinu

Lu chiù lumi gratu, e finu

Di l'Italia, e d'ogni Scola:

Chi pri sfari sti lazzola,

Ogni trama, ed ogn'intricu,

E servarisi pudicu,

Nu curau l'affezioni,

E li vani invenzioni,

Chi ci usaru li parenti

Pr'allittarilu, imprudenti,

A carnali cumpiacenza:

A cui fici resistenza

Cu curaggiu, e intripidizza,

Cu gran spiritu, e furtizza:

Dandu facci a strapazzi,

A srragghi, ed amminazzi,

Disprizzannu li carizzi,
 Maritaggi, e murbidizzi,
 Quantu mai putianu dari
 Di duminii, e dinari,
 Di grandizzi, e di tifori:
 Ma it' offertu, e sti paroli
 Nu lu pottiru mai smoviri,
 Pirsuadiri, o rimoviri
 Cu sti ndustri spropositi,
 Di li santi soi propositi
 Da lu vutu, ch'avia fattu,
 Di mantenirisi intattu
 Cu pirsfetta intenzioni
 Ntra la sua Riligioni.

Imitati a un Caju Craccu,
 Chi pri fuiri ogni scaccu
 Di putiri nnamurarisi,
 E l'onestu macularisi,
 Pr'arrassari tali nsulti
 Urdinau, ch'a la sua curti
 Nudda Fimmina acchianassi,
 Nè trasissi, nè accustassi
 Di fazzuni sapuriti,
 Pr' un ncappari 'n qualchi riti,
 E pri stari ogn'unu attentu
 A n'aviri stu fumentu,
 E pri fini, in chistu stili
 Imitati ad un Gintili,
 Ad un Alessandru Magnu,

Chi

Chi pr'un stari ntra stu ragnu,
 Ntra sti carzari d'amuri
 Si privau cu gran riguri
 D'un guardari voluntariu
 Li figghioli di Re Dariu
 Prigiuneri soi suggetti,
 Li chiù beddi Dami schetti,
 Di fattizzi tanti rari,
 Chi nun c'eranu li pari:
 Pri paura, ch'impinzatu
 Putia essiri tiratu
 Di l'umana fragiltà
 A macchiari l'onestà.
 Oh zelanti pudicizia!
 Quantu fa la tua amicizia!
 Suttametti, e duna liti
 A l'illiciti appetiti:
 Amurusa vinci, e abbatti
 Tanti sporchi, e brutti anfratti;
 Cosa tanta maistusa,
 Tanta granni, e priziusa,
 Ch'è la cosa chiù prigiata,
 Ch'ama Diu, e l'Immacolata:
 Un caratteri, ch'adorna
 Arma, corpu, vita, e ghiorna,
 Cu tuttu nun si prezza,
 Si rifiuta, si disprezza,
 Si va a caccia d'impararisi
 Comu megghiu pò allurdarisi:
 E pr'

E pr'un gustu momentaneu,
 Pr'un piaceri, ch'è stantaneu,
 Pr'un diletto, chi finisci,
 Chi discredita, e avviliisci,
 Ch'affurtuna, affanga, e affanna,
 Chi cunsuma, ncrepa, e danna,
 Si rifiuta stu gran donu,
 Cussì onestu, santu e bonu:
 Si va appressu li Donnazzi,
 Ca su tanti porci pazzi,
 Tutti puzza, parci, e pezzi,
 Tutti fumù, fangu, e fezzi,
 Tutti frofchi, fracchi, e fragili,
 Tutti tinti, inatti, e inabili:
 Tutti agugghi, ed agugghieri.
 Tutti specchi, e pittineri,
 Tutti ascempri, e parcimini,
 Tutti ghiommari, e ghiummini,
 Tutti matoì, nultusi,
 Tutti a ringu mpicciuti,
 Na manata di zivittuli,
 Tutti avari, zicchifrittuli,
 Chi vi scorcianu di paru,
 Dui pidocchi pr'un dinaru:
 Ma ou tanta di mastria,
 Tanta d'arti e pulizia,
 Quantu mancu vi li scassanu,
 E viventi vi li lassanu.
 Li scintini su tremendi,

Su naturi troppu orrendi:
 Nni viditi lupa cu vii,
 A la vista mortu mumii,
 Chi racchiudinu a lu nternu
 Un incendiù di Nfernu.
 Guarda quandu ci spapura,
 Chi si mutanu in figura,
 E c'acchiana la sinapa,
 Nun si trova cu l'accappa:
 Nè c'è sdegnu chiù terribili,
 Chiù brutali, bruttu, e orribili,
 Di la Donna dispirata,
 Quannu d'ira è dominata:
 Avi tanta rivututia,
 Ch'un cc'è scanciu d'una funia:
 Grida, e sbatti comu Marcu,
 Comu scrissi già Plutarcu.
 Lu Spiritu Santu ancora
 Mi conferma sta palota,
 Mestri dici: ch'un c'è para
 Ira fetica, ed amara,
 Nè malizia, nè raggia,
 Chi a la Donna s'apparaggia,
 Sunnu l'errami ni strauli,
 Chi nè mancu li Diavuli
 L'hannu mai pututu abbatuti,
 Suttaniettiri, e ribattiri,
 Chi si vani nusi dacciati,
 Sempri n cantu vil'asciati,
 E G

E si ncagnanu, e si ncugnanu,
 S'eddi aucisi, mai si scugnanu.
 Comu avissiru lu viscu;
 Ma cu un stili farfantiscu,
 A capricciu, a modu sò,
 Chi rimediu nun ci pò.

Dici veru chiddu muttu

(Sarrà parti, si n'è tuttu)

Chi un Dimoniù fujia,

Jittau pulviri, e spiriu

Pr'un cummattiri cu Donna

Rivutusa: nè si sonna

Contrastari chiù a la persa

Cu la Fiammina perversa;

Pirch'è abili di sdari,

Fari rudiri, e cripari

Culi tanti soi nichei

Centumilia Asmudei.

Nè c'è Omu tantu acutu,

Chi si vanta, e dica astutu,

Chi cu Donna ha contrastatu,

E vantaggiu nn'ha purtatu;

Nun c'ha stannu, nè sarrà

Cui la stipa ci ascirà.

Fussi un Omu di mitaddu,

Pitturufu chiù d'un Gaddu.

Addiventa un vavareddu:

Sia un liuni, si fa agneddu,

O si fa prumuni moddu,

O s'ha rumpiri lu coddu.
 A vi tanta di valia,
 Chi ncuperchia a cui si fia;
 Nun c'è liggi, chi la reggi,
 Disciplina, chi cureggi,
 Nè putenza chi nun stracca;
 Tribunali, chi n'attacca:
 In parrari na Dunnazza
 Ogni cosa si mmarazza,
 Tutti cosi mbrogghia, e sbaria,
 Va lu tuttu a gammi all'aria,
 Chiudi, e abbenna l'occhi a tutti
 Tutti cosi su currutti,
 Pirchè a tutti appassiona,
 L'intellettu a tutti strona:
 Si dà locu a la malizia,
 Nun s'esercita giustizia,
 Nun si senti chiù raggiuni,
 Tutti cosi a ruzzuluni,
 Ogni cosa curri persa
 A ruvina, a la riverfa.
 L'innocenti castigati,
 E li rei remunerati:
 L'affassini su prutetti,
 E li giusti su corretti:
 Li farfanti funnu critti,
 E li fidi oppressi, e afflitti:
 Li bon'Omini abbuluti,
 E li mali ben vuluti:

A lu beni un sicci pensa,
 Cussì a tutti si dispensa
 Diu vinfanti poi di stenti,
 D'una Donna mal contenti:
 Madunia nun è bastanti,
 Nixi nun ha rifrigiranti,
 Pri tumpari qualchi pocu
 La sua bili, lu so focu:
 Chi nun metti di zizzanii,
 Di pinseri storti, stranii!
 Quantu mpigni, quantu mpicci
 Pri li vani soi capricci!
 E na Donna, ch'un va un granu
 Teni'mbruddu un munnu sanu
 Nun c'è sciatra, nun c'è guerra,
 Ch'un ci sia la Donna perra:
 Nun c'è liti, nè contrastu,
 Chi la Donna un duna mma stu
 Nun c'è letti profanati,
 Nè caduti di casati,
 Nè omicidii, nè furti,
 Nè livuri ntra li Cunti,
 Nè rancuri ntra l'amici,
 Chi la Donna un füssi autrici:
 Nun ci sunnu amari storii,
 Nè funesti pruditarii,
 Nè dilittu s'ha truvatu,
 Chi pri Donna nun sia statu:
 E' n'armali di fracassu,

Una speci di taffu
 Chi macari la campagna
 Si risenti, ed ammagagna:
 Appruvenza lu so tattu.
 Quantu frutti Diu n'ha fattu:
 Fa siccar unni scarpisa.
 Erva, marva, maju, e disa:
 L'umbra sua, l'alitu so.
 'Nfetta, e offenni quantu po:
 Li soi pezzi pruibuti.
 Pri nchiagati, e pri firuti,
 Pirchè arrestanu nfittati
 Di sua mala qualitati:
 Li soi manu in certu statu
 S'ha già vistu, ed osservatu,
 Chi in tuccari li bambini
 Mentri funnu tinnirini.
 Lu cuncianu in manera,
 Chi guardari ntra la cera
 Nun si ponnu mai pr'un annu
 Pri la tigna, chi ci fanu:
 Li soi effluvi universal
 A lu tuttu fanu mali.
 Lu so nomu puru è strittu;
 Malu ntisu, e malu vistu,
 Pirchè è un mistu, ed è un còpostu
 Di quant' iu v'aju propostu.
 Anagramma fa purissimu,
 Lestu, chiaru, e facilissimu,
 Si

Si si cancia l'O cu l'A,
Donna, Danno furmirà.

Si dui autri ni voi vidiri
 D' ammirari, e veru ridiri,

Scrivi *Femina*, e farai
 Giustu, *Infame*, e stupirai:

Stampa *Uesor*, chi ti veni
Orcus puru, e chi cunveni.

Ch'è lu stissu arripirari,
 Donna, e Nfernu sunnu pari:

Dunca è chiarn, e già cunvintu
 Lu so nomu quant'è tintu.

E na pesti di suppliziu,

Chi fa sempri malifiziu

Chi bisegna chianu chianu

Sempri starionni luntanu:

E si arrassu nun ni statì

La chianciti, e la pagati;

Quannu un giurnu pruviriti

Quantu guai ci passiriti,

E diriti senza gustu:

DAMIANU dissi giustu.

Chi sinn'ha? chi succ'avanza?

Quali fruttu sinn'alcanza?

Vi darrannu spissu spassi,

Spissu gusti grossi, e grassi,

Ma! cu spasa, e spisa grossa

Spissu cardì, e scardi d'ossa,

E ntra spassi, spasi, e spisi

D'id.

D'iddi stissi siri impissi ;
 Pirch' essennu fatti spajuli ,
 Spinnatizzi, e giarni gajuli ,
 Ntra palori, picchi, e piuli
 Ncripidditi a gutti, e trivuli .
 Ma pri darivi riparu
 Pr'un scacciari st'offu amaru ,
 Pri n'agghiuttiri cutugna ,
 Pr'un grattari tali ruga ,
 Pri n'aviri sti rifeddi ,
 Pri campari cuteddi ,
 E livarivi d'impignu ,
 Stu rimeddiu v'insignu .
 Quannu Fimmini viditi
 Arrassativi, fuiti ,
 Taliatili pri focu ,
 Nun ci dati nuddu locu ,
 Ca lu focu di faudeddi
 Ardi comu tappareddi :
 Cosa facili addumarisi ,
 Ma difficili astutarisi
 E s'in casu alcuna accosta ,
 Sia mudesta, ò facci tosta ,
 Pri chiù megghiu afficararivi ,
 E li pedi nun mbrugghiarivi ,
 Ritirativi ndarrerì ,
 E pigghiati vulinteri
 Comu un usu stu miu senza :
 Omu, e Donna pazzu'n menzu ;
 Pir-

Pirchè Donna, ed Omu ubiti,
 O vuliti, o nun vuliti;
 O, cu ngannu, o senza ngannu;
 Hannu a farì sempri dannu.
 Si st'adaggiu n'è bastanti
 E passati un passu avanti,
 Riprinntila cu ardenza:
 Donna! un tanta cunfidenza.
 Si attrivita torna, e tanta,
 Scattiatila na nguanta;
 Si mprisala torna, e pugna,
 Saturatila di pugna;
 Si sfacciata vi scumponi,
 Daticcilli boni, boni,
 O sminnatila, o sputatila
 Ntra la facci, ed abbissatila;
 Ca vi giuva a tutti dui,
 Vui vutati, ed idda fui.
 Vi sia regola ginirali,
 (Cui vi voli mali, mali.)
 Quannu Donna s'avvicina,
 Sia cugnata, sia cuxina,
 Sia niputi, sia parenti,
 Sia ziana, un vi sia nenti,
 Vi sia foru, sia cummari,
 Nun ci ajati mai chi fari:
 Su Fimmini! un n'iparrati,
 Malu fin n'aspittati:
 Si un valiri essiri martiri,

Nun ci ajati mai chi partiri
Sunnu Fannini? fu ragui,
Cancarina a li carcagni.
Tutti tutti sunnu fotti,
Tutti fausi, ficchi, e tinti,
Na manata di farfanti,
(Sarvu chiddi giusti, e santi)
Chi vi imbroghiahu ntra cunti
Ntra riggiri, rugni, e puni,
Ntra prverbii sardonici,
E nera stati malinconici;
Chi si v'amanu, v'affunnu,
Si vi stimanu, v'addumanu,
V'aucludinu senza sentiri:
Su Suffrizzi, un ponnu mentiri.
Rari rari, su li boni,
Nun e' e' nudda quistioni,
Searsi comu corva v'ranchi,
(Chi ci vegna grancu all'anchi)
E li boni chi ci funnu,
Ci lu dicu, un mi cunfunnu,
Mancu a diri ci lu mannu,
S'autru viziu nun hannu,
Lingutazzi, rispitteri
Ci su tutti, un c'è quarteri.
Ma pri farivi spirdari,
Nè li Donni chiù guardari,
Vogghiu dunca, chi facciati,
E a la menti vi stanipati,
Chi

Chi n'è autru la Dunnazza,
 Chi na tinta carcarazza,
 Siddiusa, gridazzara,
 O fa vuci, ocufulara:
 Na gattazza murmurusa,
 Sempri fa, me meu picchiusa:
 Gulutazza, chi ogni impicca
 Quannu po v'aggranfa, e licca:
 L'allisciati, e a la strafatta
 Vi sgranfugna, sfarda, e gratta.
 L'assimigghiu a na lagusta,
 Na pitanza chi si gusta:
 Ma ntra spini, granfi, e cuda
 Sempri puncì cotta, e cruda.
 Un flagellu chi vi piaci,
 Un tormentu, ch'un dispiaci:
 Urfa barra, chi v'alletta,
 Poi vi sbrana, e n terra jetta:
 Un lazzolu, chi v'ammagghia,
 Na timpesta, chi mai sfagghia.
 Na Tarantula, (na palora)
 Ma di chidda nacalora,
 Chi vi metti ntra na naca,
 Nè ci pò bona trujaca.
 E na Zicca, ch'unni mpiccica,
 Nun si movi, nè si spiccica,
 S'un vi percia carni, e cuti,
 E vi suca la saluti.
 E' na Cimicia paulina,

Chi

Chi la notti v'arruina,
 V'arrisbigghia acuta, ardenti,
 Vummicusa, e puzzulenti,
 Comu sucu di cauteriu,
 Comu sterco d'avirferiu,
 Sia na pupa, sia na zita,
 Sia sciacquata, sia pulita,
 Sia chiù yranca d'un lattumi.
 Sempri feti di biccumi
 E'un Sipulcru erapicciu su,
 Fora gratu, e majistusu,
 Si l'apriti, e scummigghiati
 Di la puzza v'appistati.
 E' na Rosa spampinata,
 Ma di dardi atturniata,
 Chi tuccata vi firisci,
 Chi ntra un ghioru vi marcisci
 Agghiuttuta ntra poch'uri
 Vi fa tormini, e dulari,
 Vi sdivaca li yudedda,
 Vi fa moriri in cannedda.
 E' na Lima, chi vi smancia,
 Chi vi leva, rudi, e mancia
 Oru, argentu, e chi tiniti,
 Casì, vigni, e quantu aviti.
 E' la causa, e l'incintivu
 Lu chiù focu incripativu,
 Chi divora, e metti 'n cinniri,
 Chi v'arriya a fari vinniri

Cu frinetica primura
 Lichiuvidda di li mura.
 Na Furnica di ristuccia,
 Chi cūtinuu arroba, e ammuccia
 Sarva, ferma, e spillisci,
 O pri guli, o pri far'isci.
 Rudimentu di li matri,
 Firnixia di frati, e patri:
 Di la casa gran turmentu,
 Riggirusa chiù d'un ventu:
 Lu so cori è un cipuddazzu
 Coschi coschi, e fa strazzu,
 Benchi staja in vranu pettu
 Sempri è lordu, e senza affettu:
 Pari ancora un ciagghiuni
 Fogghi fogghi, e gnuni gnuni:
 Pri l'incimi, e li taveddi
 Pari puru un centu peddi,
 Pirchi mai sincirità
 Ritruvari si cci sà.
 Quannu parra e mentitrici,
 Chi lu veru mai vi dici:
 Quannu taci, fraudi trama,
 Benchi pari a vui, chi v'ama:
 Di la vucca spanni meli,
 Ma stu meli è comu feli:
 Quannu prega, oh ch'è larruna!
 Quannu ridi, oh comu affuna!
 Quannu sdegna, o chi vilenu!

Quan-

Quannu è amanti, e senza frenu
 S'è gilufa n'avi liggi:
 Si difama, o ama, affliggi:
 S'addiffa, è impazienti:
 S'addimanna, è mpirinenti;
 Quannu è melta, è dispirata:
 Quannu è leta, è sbrigugnata.
 Un puzangaru prufunnu,
 Ch'un li trova mai lu funnu,
 Nè niscianu ci l'ha asciatu,
 Benchì cc'aja timpistatu:
 Pirch'è sonnu, e n'è pussibili,
 Contraftarici è impussibili.
 Na natura variabili,
 Rivirsigna, inespugnabili,
 Chi cu passi lenti, e debili,
 E paroli duci, e flebili,
 A gnuranti, a tinti, a gnobili,
 A saputi, a boni, a nobili,
 Cu lusinghi assai volubili
 Leva a tutti e sennu, e dubuli.
 Avi tanta di rettorica,
 Tanta d'arti, e di teorica,
 E d'astuzia fagaci,
 Chi cunvinci quannu taci:
 Si fa giarna, ruffa, doli,
 Chianci, e ridi quannu voli:
 Quantu voli fari, fa,
 Quantu voli, ottieni, ed ha

Nun c'è forza, ch'un fa rendiri,
 Nun c'è petru, ch'un fa aprèdiri
 Cu stu sèssu un c'è valenti,
 Sia un Culossu un vali a nenti;
 Fussi un Omu di domanti
 Nun pò diri su custanti:
 Sugnu forti nun mi pisca,
 Nun mi leva, nun m'annisca;
 pirchè ogn'unu po ncapparici,
 E lu muliu nterra darici.
 E chi a nuddu disprizzassi,
 Cumpatissi, e nun sparrassi,
 Gabbu d'autru un si facissi,
 Ma pinsassi, e ritlittissi
 Ad un David, chi cascau,
 Ad un Petru, chi nigau,
 Chi a serviri jiu Sanfuni,
 E Idolatra Salamuni:
 E a tant'autri già cinnati,
 Chi for'Omini primati;
 Ed a tanti Anacoreti,
 E a tant'Omini cujeri,
 E flimmatici, e d'onuri,
 Spiritusi, e di valuri,
 Tutti testi di sapiri
 Quantu chiu si pozza diri;
 Puru foru oppressi, e vinti,
 Supirati, rutti, e cinti
 Da sti rozzi fimmineddi,

Da sta pelli di gunneddi .
 Sutta st'umbri, sutta st'archi
 Tanti Principi, e Munarchi ,
 Tanti vasti, e grand'Imperii
 Su adumbrati, e fatti sferii ,
 E ridutti a tali termini,
 Ch'annu fattu poi li vermini. ,
 Nun c'è forti , chi n'attaccanu ,
 Nè putenza, chi nun straccanu,
 Nè divoti chi nun vincinu,
 Nè rimiti chi nun cincinu :
 Fannu cadiri marammi ,
 E spizzari coddu, e gainmi .
 Comu già l'Ecclesiasticu
 Parra chiaru, ed iu nun mastica
 Vins, e Donni apostatari
 Fannu all'Omini chiù rari,
 Chiù saputi, e chiù pusati ,
 E strammari a li finfati .
 Puru è scrittu in sacri Carti,
 E citatu in multi parti ,
 Chi l'iniquità di l'Omù
 Nuncircati d'unni, e comu
 Ci pruvegna, ed aja pedi ,
 Dì la Donna ci prucedì .
 Nuddu beni nni pò diri ,
 Nè mi ponnu cuntradiri .
 E Sant'Efrem mi fa bonu ,
 Chi la Donna, scrissi, è un tronu

Chi v'abissa, vi disarma,
 Duna morti a corpu, ed arma:
 Ch'è un naufragiu supra terra,
 Chi v'annega, e v'assutterra:
 Pricipiziu di la vista,
 Chi vi alletta, e poi v'attrista:
 Crudu scettru di lu Nfernu,
 Chi prepara focu eternu.
 E Crisostomu lu Santu
 Di la Donna dici tantu,
 Quantu è scrittu da se stissu,
 Chi sia un organu d'Abissu.
 Un strumentu bistiali,
 Ch'è lu summu d'ogni mali,
 Quantu un sulu l'impudica
 Donna movi all'omu, e pica:
 La pudica puru effetti
 Mali apporta a tutti petti.
 E San Ciprianu scrivi
 Chisti senzi chiari, e vivi,
 Chi siccomu lu carvuni
 Fa faiddi a miliuni,
 E la ruggia si nutrisci
 Di lu ferru, e dda si crisci,
 E lu pannu li tignoli
 Di natura fari soli;
 Cussì st'erva di piccatu,
 Chistu aculeu avvulinatu
 Di la Donna sulu nasci,

Don-

Donna l'eccita, e lu pasci,
 Di la Donna tutta ardenza
 Nasci tanta pistilenza .
 San Basci in carta chiara
 Scrivi ancora, e li cumpara
 A la petra Calamita,
 Chi lu ferru tira ardita :
 Cussì Donna all'Omu nchiacca
 Liga, afferra, attrai, e attacca,
 Cu gran forza, e gran putiri
 Ad impuri soi vuliri .

Ora Fimmini parrati,
 Ed a mia cuntrariati?
 E dicitì s'è sinceru
 Quantu dicu, e s'iddu è veru?
 Ca macari di li Santi
 Siti apprisi pri farfanti ;
 Acciò ogn'unu a largu stassi
 Di vui autri middi passì;
 Acciò fussi di sampugna
 Pr'un 'ncapparivi ntra l'ugna;
 Pr'avvirtenza, e pri mimoria,
 E cunfirma di sta storia .

Ed iu in tantulu miu sensu
 Ccà ci stennu, ed accumensu,
 Pirchè quantu avanti scrissi
 Nenti ha statu, nenti dissi .
 In sustanza la finisciu,
 Iu cussì la disfinisciu :

Chi la Donna è la curina
 D'ogni pessima ruina :
 E' na tana di turnienti,
 Una gutta di lamenti :
 Un acconitu sunniferu ,
 Chiù superba di Luciferu :
 Furiusa, ed arruganti ,
 Prusuntusa, pitulanti:
 Attrivita, timiraria ,
 Ngrata, ruvida, e fausaria:
 Tistaruta, pirtinaci ,
 Antipatica di paci :
 Nnimicissima d'oduri,
 Ed amanti di fituri,
 Chi pr'un xiauru d'aruta
 Muscu, ed ambra vi arrifuta:
 Lu sturaci ci dà noja ,
 La carta arsa ci dà gioja :
 Lu zibettu dà disgustu,
 Li capiddi arsi gustu :
 E' na fonti di fuddii,
 Na visazza di schifii,
 Na fucina di bitumi ,
 Na minera di marciumi,
 Na cluaca di escrementi
 Sempri putrida, e fitenti :
 E'na coffa di vinazzu,
 Na fascedda di rumazzu:
 Un cusinu di disturbi,

Di pinseri sciocchi, e furbi:
 Un vacili d'amarizza,
 Na cartedda di munnizza:
 Un zimmili di linarra,
 Chiavi ch'apri guerra, e sciarrar
 Un ristrittu di gnuranza,
 D'imprudenza, e d'incustanza:
 Un ghiardinu di lussuria,
 Na spilunca di pinuria:
 Na galera di travagghi,
 Di catini, cippi, e magghi:
 Un miscugghiu d'artifizii,
 Tradimenti, trampi, e vizii:
 Un mulinu di minfogni,
 Una vutti di rampogni:
 Un vissuviu d'arduri,
 Un tamburu di rimuri:
 Na trumbetta di spaventu;
 Na vussica poi di ventu:
 E stu ventu è chiddu tali,
 Chi fa all'omu un caviali,
 Lu fa comu canna masca,
 Chi su un xiuxiu allura casca,
 Lu struppia, storci, e stocca,
 Lu scacchia, rumpi, e rocca,
 Lu fa mattu prigioneri,
 Ch'un va avanti, ma 'n darerri
 Dunca avennu lu ristivu,
 Si no diri, è un Mortu Vigu

E pri chista occasione,
 Fatta iu riflessioni
 Supra un sessu cussì stranu,
 Dicu cca 'n Sicilianu:
 Cui cu Donni si cunfà,
 Fa na grossa asinità.

Megghiu, megghiu cu un animicu
 Ngratu, e crudu aviri ntricu:
 Megghiu, megghiu ntra li feri
 Draghi, vipari, e panteri,
 Stari ncuttu, ed abbrazzatu,
 Chi nun stari, e aviri a latu
 Donna bona, chi t'onura,
 Comu nsigna la Scrittura.
 Dunca arrastu Fimminazzi,
 Vilinusi sirpintazzi,
 Armalazzi ruinusi,
 Malandrini, mal'umbrusi,
 Viziusi in gradu summu,
 E gravusi chiù di chianmu.
 Dica ogn'unu, spirdi, spirdi,
 Tantu a vecchi, quantu a viridi:
 Xiaguarati, pupi lordi,
 Ca dda lingua sempri mordi:
 Gatti pardi, Troji surdi,
 Pizzicardi, indigni, ngurdi:
 Cani cori, Aletti, Tigri,
 Crudi, ngrati, vili, e pigri:
 Basilischi di turruri,

Focu fermu di tutt'uri:
 Surfareddi di vinditta,
 Peddi d'ira mmaliditta:
 Cataletti di nnuccenti,
 Cunsarii di tradimenti:
 Curtinaggi d'adulterii,
 Mausolei di vituperii:
 avigghiuni di sospiri,
 Chiumazzuni pri muriri:
 Gramagghiazzi pr'annujari,
 Tabutazzi pr'urvicari:
 Zimmiterii d'affanni,
 Tartaruni, torcimanni:
 Calamita di vastuni,
 Scupa casi, cascì, e gnuni;
 Ch'annu stati sempri, e sunnu
 La ruina di lu Munnu,

L U F I N I

EU LIBRARU

S Ia binidittu cui fici sta Storia ,
 Chi di li Fimmini fa luminaria
 Nun ci nai duna nudda vinci-
 toria ,
 Cu giustizia, o ragioni, chi nun
 sbaria
 Chi pozza aviri Paradisu, e gloria,
 Nè pozza aviri mai cosa cun-
 traria ,
 Chi ha lassatu a lu munnu sta
 memoria ,
 Chi li Donni su pesti, e su mal'
 aria .

LU STAMPATURI.

A Vi ragioni cui fici sta Storia ,
 A fari di li Donni luminaria
 Pirchè nni salanu a tutti li coria,
 E su chiù amari di feli, e fumaria
 Cui l'addifenni, e ci duna vittoria,
 Chi pozz'aviri sintéza cuntraria,
 Ciuncu, pinatu, cu quattru rit-
 toria ,
 E poi di corva purtatu pri l'aria

179
In cunfirma di lu prisenti Libru

C A N Z U N A .

C Hi la Donna sia origini di
Chianti,
Pesti di Munnu, Tigri ntra lu
nternu,
Aspidu, Basiliscu, Umbra va-
ganti,
Finta, Venali, Furia d'Avernu.
Na Viva Morti, na Canna incu-
stanti,
Un Mostru, chi strascina a focu
eternu ;
Si vidi ntra stu libru cunfunanti
Pruvannu, chi la Donna è n'au-
tru Infernu .



*Ristampato in Palermo nel 1742
a spese di Emanuele Ferrer,
e Soler Librajo..*





VA1 1528306


1895
Jan


1895














v

X